

康熙二十九年修志姓氏

總裁

巡撫河南等處地方提督軍務兼理河道兼都察院右副都御史加四級閻興邦 梅公雪府前衛人於印舉人

提調

河南等處承宣布政使司布政使加三級 田啟光 四表滿洲籍陽信人

河南等處提刑按察使司按察使加六級 胡介祉 補齊明天大興人廩生

河南分守開歸河道通省驛鹽糧儲布政使司叅政 祖文明 梁斗遠東人

提督河南通省學政按察使司僉事 張潤良 敬齊山西夏縣人丁未進士

河南通省巡理河道提刑按察使司僉事加一級 年銓元 衛山遠東人

督理

河南開封府知府加一級 蘇佳嗣 魁人奉天遼陽人廩生

河南開封府軍捕同知 董延祥 奉天人

河南開封府南河同知加一級 王承義 蘇州府人

河南開封府北河同知加三級 吳廷壽 蘇州府人

河南開封府管糧通判 劉君向 蘇州府人

較梓

河南開封府陳州項城縣知縣 顧著宗 可亭浙江人

同校

項城縣儒學教諭 張錦 合輝汝縣人

項城縣儒學訓導 張文采 雲沈汝縣人

督工

項城縣典史 孫鴻霖 雲守富平人

纂修

邑進士 王耿言

邑

邑

邑

評論

原

原

原

邑

訂正

邑

邑

邑

舉

歲

副

府

州

縣

舉

副

拔

懸

人

貢

榜

人

人

人

人

榜

貢

貢

韓

閻

閻

東

韓

王

王

王

馬

閻

竭

銑

潮

紳

文

葛

明

賈

遠

綱

採輯

邑 邑 邑 邑 邑 邑 邑 邑 邑 邑 邑

庠 庠 庠 歲 庠 歲 歲 歲 歲 歲 歲

生	生	生	貢	生	貢	貢	貢	貢	貢	貢
張	源	高	張	張	黃	高	高	張	馬	李
渤	鎬	空	端	同	謙	焯	穆	景	以	璉
				德	受			福	審	

邑

庠

生

王

儼

乾隆十一年修志姓氏

總裁

巡撫河南等處地方兼提督銜節制全省軍務兼理河道都察院右副都御史加一級紀錄一次碩色

靜奉正貴旗人

提督河南通省學政翰林院編修加一級

汪士鎰

筠川江南休甯人貢賦

提調

特授河南等處承宣布政使司布政使

嚴瑞龍

汝寧四川閬中人

河南等處提刑按察使司按察使紀錄五次

王興吾

嶺南江南華亭人

特授河南布政使司分守糧儲驛鹽道加一級紀錄二十二次

胡紹芬

青田浙江德清人廩生

河南按察使司分巡開歸陳許兼管河務兵備道加一級紀錄三次

金山

正黃旗人

督理

特授河南陳州府正堂加二級紀錄三次

崔應階

吉州湖北江夏人廩生

署陳州府分駐周家口糧捕鹽務水利分府

張廷槐 錄白 旗人

較梓

署項城縣事河南府河糧鹽捕水利分府

張 襄 江南桐城人 貢生

原任項城縣知縣加一級紀錄一次

張為旦 隸三廣西 全州舉人

同較

項城縣儒學教諭

王 中 書元拔貢 開縣人

項城縣儒學訓導

楚 芬 月卷歲貢 宜陽人

督工

項城縣典史

李含芬

續修

邑進士冕甯縣知縣

張延福

邑亞元

高必超

邑

舉

人

李贊

邑

舉

人

王撫官

邑

舉

人

郭道凝

評論

邑

舉

人

曾臨湖

邑

舉

人

趙金銘

邑

議

敘

州

同

閻聖言

邑

候

選

州

同

高師龍

採輯

邑

歲

貢

高必特

邑

生

員

高應旂

邑

生

員

師輝祖

訂正

邑 邑 邑

參閱

邑 邑 邑 邑 邑 邑

邑

候

生 生 選 生 生 舉 康 生 生

州

員	員	同	員	員	人	生	員	員
張延秀	韓光訓	高登龍	閻枋	石凝祚	范德正	高世振	張延爵	馬金鏞

舉人 嵩縣 教

諭 趙垣

膳式

邑 邑 邑 邑 邑 邑 邑 邑 邑 邑 邑

生 增 生 員 生 生 生 生 貢 生 歲

員	生	員	員	員	員	員	員	生	員	貢
靳泰臨	高永壽	韓光履	王養已	張培敬	閻 珩	張延壽	馬來臨	高攀龍	閻康善	王 岫

邑 邑 邑 邑 邑 邑 邑 邑 邑 邑 邑

侑 侑 侑 侑 侑 侑 侑 侑 生 生 生

生 生 生 生 生 生 生 生 員 員 員

閻新德 韓喬浴 高時成 王光庭 東聞九 韓御 張延熙 閻焯 馬運西 張培相 張培生 麻元建

邑 邑 邑 邑 邑 邑 邑 邑 邑 邑 邑

儒 儒 監 監 儒 儒 儒 儒 儒 儒 侑 侑

童 童 生 生 童 童 童 童 童 童 童 生 生

余思儒 石 塚 高世掌 閻 輝 童 閻 岩 于華宗 高儒慎 閻 焜 韓光詔 艾宗武 師 注 馬 翹

項城縣志卷三十九

列女志四

節婦

張氏文蔚女監生王如蘭妻年十八子歸期年夫故翁姑年逾五旬氏勸翁納妾翁旋歿妾遺腹生子魁蘭有惡族欲謀害以圖其產氏百方保護始成立擇配某氏生子三氏以其長子承夫嗣光緒庚子旌曰筠貞松操

龔氏衛松萬妻年二十六夫故孝事翁姑夫弟松鶴甫六歲氏待之有恩及松鶴授室生子振甲松鶴妻又歿為之續娶撫振甲成立

鄒氏王三喜妻年二十夫故以夫姪愛運承嗣教之成立

田氏申興信妻年二十于歸二十五夫故遺一子方七月孝以奉

姑撫子成立

嚴氏傳守道妻咸同之亂夫遇害氏年二十九遺孤啟宣甫免懷

氏矢志守節奉翁姑和顏悅色教子成立

以上五人皆現年踰九十者

魏氏吳錫山妻年二十一夫故二子八歲值捻匪亂奔走流離備嘗艱苦終能全節操祚興家

楊氏李勝妻年二十夫故一子幼殤翁姑年老家赤貧竭力養親靡無渝志

師氏百順女夏錦翼妻年十九子歸二十九夫故清白自守教子

應魁成立

以上三人皆現年八十

高氏孫華本妻年二十八夫故遺二子氏守節撫孤紡績度日

程氏馬心海妻年二十一子歸數月夫故誓以死殉翁姑泣勸乃

止事翁姑養葬盡禮

王氏振江女劉瑞妻年十九于歸數月夫故堅貞自守 旌如例
董氏丁九妻年二十三夫故一女三歲氏苦節自守

李氏麻麒麟妻年二十九夫故遺腹生子名鰲氏辛苦撫育不渝

初志今孫曾一堂家業漸起

以上五人皆現年八十四

范氏麻彥碩妻結縞數載夫故子女各一女幼殤子中年夭折遺
兩幼孫氏茹苦含辛撫之成立

黃氏常耀先妻咸豐庚申之變夫與子皆遇害氏年二十七矢志
守節撫夫姪存敬承嗣

田氏李萬山妻年十九于歸三十夫故遺一子矢志守節撫孤成
立奉姑生事死葬無缺禮

高氏錦章女監生劉錫方妻劉興之亂夫被害氏年二十五遺孤
明遠尚在襁褓孝事翁姑撫子成立

劉氏麻惠妻年二十八夫故守節寡早世事繼姑先意承志一女
嫁後旋亡未幾孀姑又逝氏兢兢孀子立不渝初衷

于氏河松女曹興順妻年十九夫故守節奉姑人無閒言以上六
人皆現

年八
十三

于氏王東海妻年二十七夫故遺子女各一苦節自守男婚女嫁
子春田夫婦俱亡遺一子敬承氏撫之成立今孫曾繞膝家業
漸起

樊氏張自成繼配年二十五子歸三載夫故子月輪二歲家貧如
洗事翁姑撫弱息紡績度日克盡孝慈

常氏崔武元妻夫以善療馬疾技投葉軍不返氏年二十六一子
喜明家極貧紡績度日撫子成立今孫曾濟濟家業漸裕

郭氏王青山妻年二十二子歸三十夫故一女氏矢志守節孝事

翁姑撫夫姪均儒承嗣

以上四人皆現年八十二

馬氏任順繼配年十九于歸三十夫故無出撫前子永蘭如親生子亦事如生母色養備至鄰族兩義之

張氏景泰女于鳳山妻年十九于歸九載夫故守節以夫兄子為

嗣恩誼浹洽勤儉持家

以上二人皆現年八十一

馬氏王崧峯妻年十九于歸越五載夫故守節撫孤成立

馬氏朱嵩峯妻年十九于歸二十三夫故清節自守教子成立

李氏劉同升妻年二十六夫故遺一女未幾殤氏奉姑委曲承歡

姑歿竭力營葬

傅氏田克勤妻年十九于歸二十五夫故守節教子寓巖於寬

師氏殷大模妻年二十一于歸二十九夫故堅貞自守

王氏萬選女時會良妻幼失怙恃依祖母成人年十四于歸十七

夫故無出翁姑皆早世氏屢求死皆以救免貧無以養孺於從伯父家恐有奪其志者嘗私祝天曰能令吾完節願積金修天地全神廟兩座後於光緒八年兩廟成每值翁姑父母及祖父母忌辰雖雨雪必往墓祭哭無衍期夏月於村東南路施茶行人德之撫夫姪心傳承嗣旌如例

馬氏孫鴻軒妻年三十夫故苦節是守

以上七人皆現年八十

黃氏劉賀禮妻年二十六夫故遺腹生子酸氏艱苦撫育及長為娶趙氏未幾酸亡所生子亦殤趙感傷成疾二年亡氏更孤苦戴氏解彥清妻年十六于歸二十八夫故紡績度日艱苦不渝

以上二人皆現年七十九

張氏柴留根妻避亂蔣寨寨破夫遇害氏年二十四孝事孀姑撫兩歲孤芳春成立

閻氏陳大明妻年二十七夫故無出清操自持紡績之餘置田五十餘畝

袁氏興祥女楊情妻年三十夫故無出家貧苦守

夏氏劉書印妻年十九子歸四載夫故無出孝翁姑和妯娌志節不渝 旌如例

楊氏楊松山妻年二十七夫故無出奉孀姑孝養無缺殯葬以禮

楊氏李庚辰妻年二十五夫故家貧苦守事翁姑無缺禮

李氏顧萬良妻年十九子歸三十夫故子方週女三歲家貧氏奉姑孝姑歿喪葬從厚教子有法子亦孝順無違

王氏藥運會妻年十七子歸三十夫故守節撫二子一女皆成立

袁氏楊棟名妻年二十四夫故一子方週族無賴某欲嫁之氏避居叔姑家數月族衆公憤某懼計遂阻無何子又殤煢煢子立

苦節是守

朱氏李國楨妻年二十于歸三載夫故夫兩弟俱幼姑多病賴氏

撫養成立事翁姑孝以夫姪承嗣

以上十八人皆現年七十八

王氏靳登峯妻年二十七夫故遺二女一子秉成方數月氏守節撫孤秉成中年歿遺三子氏又撫成立

童氏楊曰棟妻年二十一夫故守節撫夫姪寶卿承嗣

王氏戴從雲妻年二十四夫故孝養翁姑撫遺腹子良田成立

三人皆現年七十七

麻氏周尚志妻年二十九夫故遺腹生子留根雖乞食為生而操

守愈勵

張氏章榜妻夫貿易於外絕音問者五十年氏安貧守節姑年老衣食悉出氏十指聞姑歿竭力營葬

韓氏鳳臣女石雲興妻年二十四夫故遺一女氏矢志守節撫夫

姪寶玉承嗣

夏氏東承泗妻年二十一夫故無子矢志守貞事翁姑養葬如禮

以上四人皆現年七十六

顧氏王沼妻于歸八月夫故堅貞自守奉姑孝撫夫弟思義兼盡

夫弟中年亡遺一子二女氏待之有恩婚嫁皆代娣氏經理

程氏李末妻年二十于歸二十九夫故守節事姑無違撫子成立

邵氏韓挺生妻年二十七夫故無出矢志守節

楊氏張淑端妻年二十七夫故孝事衰姑撫二子成立

涂氏麻撰妻年十九于歸數載夫外出不返氏守貞不渝

王氏黃同中妻年二十九夫故子應明八歲氏奉孀姑孝姑歿撫

夫弟有恩教子成立

張氏崔花妻年二十八夫故無出家貧翁姑年邁賴氏績紡以養
丁氏青然女張化行妻年二十一于歸九載夫故孝養翁姑以夫
從姪振德承嗣

楊氏丁復善妻年三十夫故一女氏苦節不渝

任氏馬性成妻年二十二于歸二十九夫故事姑恪執婦道教子

成立

以上十八皆
現年七十五

朱氏靳東昇繼配年二十于歸遭匪亂夫遷害氏年二十七欲身
殉翁姑苦勸乃已孝翁姑撫前室子女有恩

侯氏李恆山妻年十九于歸二十三夫故一子三歲氏奉姑撫幼
竭盡心力

楊氏萬成女馮孟起妻年二十三夫故守節以夫姪國順承嗣

張氏王好章妻年二十八夫故守節孝奉翁姑以夫姪錫慶承嗣

潘氏高尚義妻年二十六夫故遺孤書成甫二歲薄田十餘畝氏艱苦撫孤成立

高氏冷鐵樞妻年二十夫故無子安貧守節夫兄夫婦俱亡遺子玉德寄養異姓氏招之歸以承宗祧

田氏悅道次女張月明妻年十九于歸八載夫故遺孤良臣七歲家貧甚氏事老撫幼艱苦備嘗

張氏鄧燦妻年二十三于歸逾年夫故守節

盧氏閻淑夏妻童養夫家合卷六載夫外出不返有勸改適者氏不從節操彌勵

張氏夏鼈妻年二十八夫故守節撫週歲孤成立

邢氏閻嶧峯妻年二十四夫故一女姑多病氏奉養二十餘年及歿無缺禮

師氏李振清妻年二十六夫故僅一女氏守節不渝

以上十二人皆現年七十

四

劉氏趙履剛妻年二十九夫故翁姑衰病氏奉養無違撫四歲孤成立

戴氏解廷剛妻年二十九夫故一女三歲氏矢志守節族某欲奪其志氏邀鄰族欲鳴諸官奸謀遂沮後拓業四十餘畝

秦氏楊恆泰妻年二十五夫故守節不渝撫數月孤成立

張氏丙戌女相茂槐妻年十七于歸三載夫故子東魯方五月惡族某欲嫁之氏常以刃自隨卒能完節教子克家

劉氏傅川妻年二十七夫故孝奉孀姑為夫立嗣

陳氏田文儀妻年二十五夫故矢志守節

劉氏王純一妻年三十夫故子八歲翁姑早世氏教子有法治家

勤儉田產日增

祁氏王益三妻年二十九夫故事姑孝撫嗣子東平成立

梁氏于玉妮妻童養夫家年十七合卷二十七夫故僅二女孝事
衰姑待夫兄子有恩

喬氏崔天賜妻年十七于歸方三月夫故翁姑歿夫兩妹俱幼氏
教養備至節操歷久不渝

蔣氏劉伯從妻年二十三于歸二十九夫故矢志守節

程氏師捷三繼配年二十于歸八載夫故僅一女氏守節無二撫
前室子女有恩

張氏際昌女戚順妻年十七于歸二十九夫故孝事翁姑撫夫姪
明為嗣

王氏段榮先妻年二十六夫故守節

吳氏淮甯監生吳全年女時泮浚妻年二十夫故遺一子丙寅氏
奉姑孝教丙寅業儒

崔氏徐相雲妻童養夫家年十七合卷事翁姑孝夫業屢力勸止
之年二十九夫故矢志守節撫遺子女成立

靳氏舉人栗珽姪女張有志妻年二十于歸六載夫故遺孤金鑽

甫八月撫之成立

以上十七人皆
現年七十三

尹氏喻恆舒妻年二十于歸三十夫故家貧事孀姑以紡績供旨
甘子耀南幼讀書外家長習祖業以方脈行世

程氏三全女張山妻年三十夫故守節

鄺氏劉寧妻年二十夫故安貧守節撫三歲孤金山成立

靳氏貢生東山女王文臺妻年十九于歸一載夫故事翁姑撫夫
弟曲盡其心姑患癱症左右侍奉不倦以夫弟子為嗣

徐氏李峯妻結縞數載夫故守節撫孤成立

梅氏監生雲華女黃聯芳妻年二十二于歸逾年姑逝夫以毀卒
祖姑年八旬小姑九歲氏獨理家事翁後娶不得於其姑姑偕
氏及女孫別居氏事祖姑以終天年小姑及笄諸事賴氏營辦
以夫異母弟一元子承嗣

劉氏劉鳳妻年十九于歸二十二夫故守節撫孤成立

黃氏劉月中妻年三十夫故姑老病卧牀褥委曲承順姑歿葬如

禮于新棠中年物故三孫皆幼撫養成立以上八人皆現年七十二

劉氏五金榜妻年二十九夫故守節撫孤備茹辛荼

袁氏羅逆秦妻年十八于歸二十一夫故守節 廬如例

陳氏張選妻年二十四夫故守節早逝夫弟奇峯十餘歲撫之成

立

劉氏萬倉女李結蠟妻年二十一于歸逾年夫故翁以氏年以欲
嫁之有成說矣誓死不從翁懼不敢逼撫夫姪黑彈承嗣

王氏時泮傑妻年十七于歸逾年夫故守節孝奉翁姑

侯氏師心良妻年十七于歸二十六夫故事翁姑孝夫兄喪偶遺
孤甫三月賴氏撫養成立婚娶數年亦喪偶遺子女三人氏思

勤撫育

王氏申磨妻年十八于歸二十夫故忍死撫孤艱苦萬狀

張氏趙利海妻年二十七夫故食貧奉姑撫夫幼弟成立

孫氏淮甯孫有臣女方五峯妻年十九夫故矢志守節撫二子正

型正名成立

以上九人皆
現年七十一

魏氏張存仁妻性情淡寡言笑年十八于歸事祖翁姑能得其歡
翁姑皆鍾愛之存仁患啞而性嚴厲氏曲意事之少不如意輒

遭笞毆氏惟命自安無怨言無溫色又勤儉治家中積觀穠收
穫必于田紡績之聲常徹戶外生二子樹德樹體一女存仁病
歿氏年二十九樹德稍長樹體尚在襁褓氏痛不欲生念上事
下撫皆一身是賴勉進飲食以慰堂止心為子延師課讀未幾
祖翁姑暨翁皆相繼逝喪葬竭力勸辦存仁兄弟四人家口繁
庶又遭寇亂姑命析居氏侍姑居城供養豐潔姑歿葬事尤拮
据樹德既長操家維勤娶韓氏樹體讀書穎敏甫婚而天女適
沈氏 恩貢劉萼香亦早亡遺一子亡女氏憫其孤苦招至家
恩勤撫育備極勞瘁不幸樹德又歿遺孤硯田方數歲所遭更
苦又撫孫成立今年踰七旬精神強健曾孫已呱呱矣非艱於
前而亨於後歟又夫弟存智之妻劉氏上蔡庠生廷甲女年二
十于歸夫得塔血證氏侍奉不怠竟至不起遺孤樹桐甫免

懷女二氏忍死撫孤以慰孀姑心樹桐數歲入塾聽穎異常兒
方置其有疾旋又矢折撫夫兄存禮冰子樹琴為嗣二女長適
監生夏昌言次適監生李萬邦

蔣氏喻近仁妻年二十九夫故孀姑撫子效孔成立
劉氏新固妻年十九子歸二十九夫故守節撫子成立

郭氏靳夏峯妻年二十三夫故守節孝事翁姑光緒九年里人立
肆以表之

高氏朱成妻年十九子歸成豐庚申亮匪擾項夫遇害氏攜週歲
女往依母家亂定旋里松筠之操標不可奪

竇氏劉耀志妻年二十八夫故守節孝奉襄翁撫週歲孤青山成
立

趙氏石照武妻年二十夫故苦節嗣子培文湯其產翁姑老且病

孫幼弱困苦尤甚

魏氏郭小妮妻年二十二夫故守節孝事翁姑待夫姪有恩

唐氏馬壽山妻年十九于歸三十夫故守節孝親撫孤成立

楊氏鄧錫倫妻年二十三夫故守節事翁姑孝有叔數歲弟氏童

養氏待之有恩翁姑歿叔好博氏泣勸始改行家業復興

王氏中興女方玉珍妻年二十七夫故守節不渝

于氏沈邱子開運女竇鳳相妻年十八于歸夫以義勇戰死氏年

二十無依歸母家居紡績度日

以上十一人皆現年七十

張氏黃錫珍妻年三十夫故守節教女有法

王氏申興文妻年二十八夫故守節撫子全德成立治家勤儉

劉氏尹殿廷妻年二十五夫故遺孤蓉峯四歲後蓉峯又早亡遺

子七歲氏撫雨世孤艱苦備嘗

夏氏劉德妻年二十夫故守節孝奉翁姑

薛氏李蠻妻年十七于歸三十夫故守節教子成立

趙氏劉學禮妻年十九于歸二十二夫故遺弱女氏守節無異志

以上六人皆
現年六十九

劉氏張希賢妻年十九于歸二載夫故遺腹生子艱苦撫育授室
後子又亡氏與孀媳孤孫相依為命

楊氏振魯女閭清秀妻年十九于歸二十九夫故守節不渝

李氏成石頭妻年二十六夫故田僅三畝事翁姑撫幼女不易其
操

常氏高雲呈妻年二十一于歸二載夫故守節撫幼女成人以夫
姪遷善嗣

高氏艾刺蟬妻童養夫家年十七合卷十載夫故孝事孀姑教子

女成立

田氏王呆子妻年二十六夫故苦節是守

石氏安薪傳妻年二十二夫故守節不渝

于氏楊振舉妻年十九于歸期年夫故孝事翁姑勸翁置妾生二女翁姑歿氏撫之有恩值匪亂破家修寨鄰里賴之性好施凡修橋路以及戚族求助無不慨應

夏氏劉登妻年二十六夫故守節孝翁姑待夫姪有恩

劉氏范多妻年二十九夫故家赤貧衣食取給十指閒撫幼子四人皆成立家業漸興

崔氏龔天朗妻年二十九夫故苦守孝翁姑撫子三人成立

梁氏鹿邑梁大綸女監貢夏連琨妻年三十寡翁姑衰老養葬盡禮修祖營立墓碑皆出己財又捐宅基一處為闔族祠堂地二

十餘畝作祭田奉

旨建坊

以上六十二人皆現年六十八

李氏曹金善妻結縵八載夫故節操堅貞鄰族不和輒婉言解釋

楊氏全德女張宏量妻溫柔貞靜宏量讀書穎敏積勞早故氏年

二十三翁失明奉事十數年不怠撫夫姪嘉平為嗣

張氏廣謙女劉文德妻年十八于歸二十六夫故守節孝舅姑撫

孤成立治家勤儉增產二百餘畝

趙氏王景堂妻年二十六夫故守節孝翁姑撫子應山成立

童氏王朝柱妻年十七于歸越六載值同治初捻匪之亂夫遇害

氏奉老親撫幼女苦節不渝

朱氏師才願妻年十八于歸二十一夫故守節撫孤家業漸興

王氏尚科女監生李化理妻年二十九夫故苦守孝事翁姑

汪氏王新學妻年二十八夫故遺腹生子家赤貧為人紡績縫澣

以為事畜之資積勞患目教子福增弱冠入庠

徐氏中科女庠生馬鵬程妻年十七子歸恪執婦道生一子二女

夫以勤讀致疾病垂危囑以事親教子夫歿氏年二十六堅貞

自守孝慈兼盡子式賢績學未遇孫祖武英年入庠督學王以

慈竹貞松旌之

以上九人皆現年六十七

袁氏粟秀芳妻年二十八夫故苦守事祖姑及姑以孝聞撫弱女

成人

傅氏張培仁妻年十九子歸二十六夫故遺二女氏紡績自給冰

操凜然

夏氏范文明妻童養夫家合卺數載夫故氏年二十七事翁姑養

葬盡禮撫孤有成叔姑張貧無依養葬如姑

周氏趙亮天妻年二十六夫故貧撫三子一女成立

夏氏吳全仁妻年二十三夫故家貧事姑教子艱難萬狀志終不

渝

樊氏劉深山妻年二十二夫故僅一女家貧氏精女紅勤紡績置有薄田夫兄因貧未娶氏賣己地助之娶生子以延宗嗣

楊氏貢生立鰲女監生閻澤生妻年十七夫歸二十九夫故翁早逝姑卧病數十年氏晝夜侍湯藥衣不解帶焚香願天祈以身代姑有一女嫁後奇窮周濟無缺族子名興兄弟幼失怙恃收養之稍長給以身價代為居積置田產定婚氏子楷範楷修均監生

高氏體仁女崔崗繼配年二十三于歸二載夫故遺一女氏矢志守節有欲奪其志者氏懼依父以居者二十餘年

王氏楊華榮妻年十九于歸二十二夫故一子甫十月氏矢志守

節教子克家

以上九人皆現年六十六

王氏張端妻年十九于歸二十六夫故家奇貧孝事翁姑教女成人

董氏崔黃耀妻年二十五夫故奉親養女備茹辛荼以夫姪心義為嗣

倪氏田天秩妻年二十于歸二十五夫故無出誓以死殉水米不入口者六日氣息奄奄姑執氏手而泣夫姪炳榮方四歲亦泣不食氏為意轉始飲稀粥事姑委曲承順撫炳榮為嗣稍長命讀書入庠後補陸軍副軍校

崔氏張鸞妻年十九夫故姑歿翁繼娶事如姑以夫姪宗天為嗣趙氏歲貢閩西金子盛勳妻年二十八夫故堅志守貞事翁孝延師課子家聲不墜

田氏曹講妻年十九于歸旬餘夫故翁姑憐其少欲嫁之氏以死自誓親族扁曰節孝雙全

李氏蔣興文妻子歸三年夫溺死守節不渝

栗氏朱南薰妻年二十七夫故艱苦守節

王氏衛答妻年十九于歸二十九夫故守節事翁姑孝撫子國喜

成立

韓氏周玉崑妻年二十三夫故孝養舅姑數子克家

劉氏張鹿妻年三十夫故紡績餬口節操不渝

王氏郭瑤妻年十八于歸數月夫故堅貞自守

朱氏樂炳南妻年十七于歸二十一夫故守節

牛氏石鳳彩妻年十九于歸二十二夫故遺一子思印翁繼娶生

一子旋棄養氏事繼姑孝繼姑病刲己肉療之待夫異母弟有

恩撫子恩印成立

彭氏栗耀德妻年二十九夫故守節事姑撫女孝慈克盡

靳氏張連亨妻童養夫家年十八合卷二十五夫故無出矢志守

節紡績自給

孫氏王道凝妻年十七于歸二十夫故守節孝養孀姑

劉氏薛會中妻年二十九夫故守節子金城六歲撫之成立

王氏興周女曹萬順妻年十九于歸二十四夫故守節辛苦備嘗

志堅金石

以上十九人皆現年六十五

衛氏監生慶遠女王道成妻年十七于歸二十夫故事祖姑暨翁

姑有賢聲

劉氏郭明妻年二十六夫故翁姑雙瞽貧無立錫紡績度日不萌

異志

楊氏張連三妻年十九于歸二十九夫故守節不渝

秦氏薛金合妻年二十七夫故守節教子錫仁書仁克家

徐氏維曾女田東海妻年二十九夫故守節撫子耀南及女成人

蔡氏趙如阜妻年二十于歸十載夫故僅一女氏苦節能貞

李氏聖泉女張振宇妻年三十夫故撫子女成立子芳齡幼多病

娶閻氏生二子芳齡卒氏教孫成立

王氏董朝先妻年二十三夫故矢志守節

陳氏楊春妻年二十四夫故貧守節孝翁姑撫幼女成人

崔氏正山女樊炳寅妻年十九夫故事翁孝撫夫姪心寬為嗣

旌如例

趙氏王太平妻年二十四夫故安命守節事翁姑克盡孝道

楊氏姜沈繼配年十九于歸數月夫故值兵燹且大疫夫兄嫂暨

翁姑相繼歿鬻田營葬撫夫姪永祥永順成立家道漸裕以永祥為嗣

崔氏鞠天喜妻年二十六夫故僅一女氏矢志守節事姑曲意承歡

張氏左堯天妻年十九于歸二十七夫故守節事翁姑孝

張氏高封妻年十九夫故家貧孝事孀姑教二子成立家業漸增

劉氏李新春妻年二十五夫故家奇窮姑老子幼縫紉以養以上十六

人皆現年六十四

陳氏張袴妻性貞靜年二十一夫故守節

張氏玉格女夏海雲妻年二十三于歸五載夫故守節事翁姑孝

處妯娌無閒言撫四歲孤發榮成立 旌如例

王氏張大峯妻年十九于歸二十六夫故守節撫孤成立

石氏丁玉印妻年二十八夫故貧苦異常不萌二志事繼姑孝
丁氏崔冠海妻年二十夫故守節事姑孝父母無子賴氏縫紉
李氏懷憲女祁國賢妻國賢聰敏嗜學偶患祟自刃死氏年二十
六遺一子誓身殉姑密防之一日黃昏氏暗袖刀佯往別院取
薪姑尾之氏以刀自刺姑奔救刀入胸尚淺相抱哭觀者咸泣
下交勸曰姑老子幼若死何所依氏意轉奉姑孝教子中立讀
書入成均

崔氏玉階女劉學詩妻年十九于歸七載夫故無出如氏早世遺
三男一女撫養如親生婚嫁一身任之以夫兄子秉直承嗣

郭氏薛鳳鳴妻童養夫家年十九合卺七日夫故欲身殉翁姑密
防得不死茹荼飲冰矢志靡他鄉鄰欽其節立碑表之

董氏張周妻年二十六夫故薄田僅足自給氏勤儉自持撫三歲

孤道成立

麻氏劉賢妻年二十于歸七載夫故紡織自給苦節不渝
張氏郭德同妻年十九于歸三十夫故遺一子守節不渝

郭氏馮某妻年二十四夫故翁姑早世一子未成婚而愛零丁孤
苦守節不渝

孫氏阜陽監生孫清如女石金城妻年十九于歸二載夫故遺腹
生女氏奉翁姑孝待家人皆有恩

涂氏樊臣妻年二十九夫故以夫姪學禮為嗣妯娌和睦同居三
十餘年無閒言以上十五人皆現年六十三

閻氏淑倉女黃金榜妻年二十于歸二十三夫故守節奉姑孝
李氏姚文燦妻年二十八夫故家貧守節撫子成立

韓氏郭萬聰妻同治初年亂夫遇害氏年十九守節奉親撫週歲

孤文彬成立

聶氏郭三套妻年十九夫故守節奉翁姑孝

劉氏邵教中妻年二十八夫故遺腹生子家赤貧紡織自給撫子成立

樊氏袁世珍妻年三十夫故守節姑患未疾因卧牀褥氏左右扶持不怠教子女寬嚴並濟

馬氏張全林妻年二十四夫故子東忠五歲姑歿叔春蘭十歲皆撫養成立

鄭氏王增疆妻年十九于歸三十夫故奉養姑撫幼女守節不渝

陳氏黑峯女張絃妻年三十夫故四女無子勤儉自持守節不渝

王氏趙天剛妻年二十二夫故事祖翁孝嗣子八歲教之成立

鮑氏樹三女閻瑞麟繼配年三十夫故子溥周數歲夫弟及前子

俱幼艱苦撫育俾皆成立

張氏石勳妻年二十八夫故守節撫孤家貧行乞不萌異志二子長以佃田為生家業漸起

潘氏監生興太女武庠生師亭雲妻年十九于歸二十八夫故遺二子一女撫孤守節長子品三以軍功獎六品銜

孫氏王玉峯妻年十六于歸方六月夫故事姑委曲承歡夫弟貧氏給地五畝以贍之

張氏庠生子儀女戚凝恩妻年二十夫故家貧事孀姑撫弱女終無異志

馮氏家修女高騫妻年二十七夫故苦節撫孤

馮氏彤雲女高心誠妻年十九于歸二十五夫故食貧撫孤

丁氏麻廷蘭妻年十九于歸月餘夫故守節孝事翁姑未幾翁姑

歿夫弟妹俱幼撫養成立

譚氏董樹臣妻年十九夫故子大悅方十月家極貧紡績糊口撫

孤成立

以上十九人皆現年六十五

謝氏鹿邑謝孟春女李萬本妻年三十夫故遺腹生子天增氏事姑教子孝慈備至子授室生子女各一子又亡孫亦殤氏與孀婦共撫孫女相依為命

程氏沈一妻賢孝明大義年二十二夫故事翁姑孝婦如聞無閒言撫夫姪承嗣

邵氏來峯女范維經妻年二十四夫故被族人貴盜賣於靳某下車入門氏始知之執利刃自毀其形誓死不從靳憐其節送之歸氏赴縣控告縣主恩將貴責押為氏立嗣並賜扁額

孫氏傅朝山妻年二十六夫故二子方數歲家無升斗儲翁姑年

老賴氏乞食以養子成立稍能自給

趙氏歲貢省山女戚騰雲妻年二十九夫故孝翁姑三子皆幼教之成立

范氏金聚女韓萬吉妻童養夫家年二十合卷年餘夫故守節四十年如一日以夫姪恆升承嗣旌如例

劉氏孫套妻童養夫家年十九合卷二十六夫故守節雖日不舉火志終不渝

麻氏統勳女李樹滋妻年十七于歸七載夫故無出翁歿姑老夫伯叔父皆同居氏奉事惟謹卓著賢聲

丁氏師錦鳳妻年二十三夫故無出翁姑早逝撫夫幼弟成立守節不渝

王氏薛雙全妻年二十四夫故遺腹生女翁歿姑老薄田畝餘紡

織供養終無異志

郭氏李春江妻童養夫家合卷數載夫故氏年二十五艱苦備嘗
撫子鳳岐成立

陳氏王謨妻年十九于歸二十四夫故遺一女氏矢志守節

王氏武庠生中山女石遐齡妻年十九于歸五載夫故遺孤巖峩
甫三歲氏矢志撫孤事衰姑孝未幾姑歿子天煒煒子立冰操

愈勵奉 旨旌表

張氏石廷舉妻年二十七夫故家貧紡織養親撫二子成立

樊氏馬元振妻年二十七夫故事衰姑撫二子一女孝慈兼盡

高氏掄賢女王熙堯妻年二十一于歸三十夫故艱苦自守撫二
子成立

賈氏王甫妻年二十六夫故僅一女翁姑先歿矢志守節紡績自

給撫弱女成人

以上十七人皆現年六十一

崔氏武舉趙連魁子興普妻年二十七夫故孝事翁姑遇怒輒跪請罪俟翁姑色霽乃起撫孤成立

趙氏張連亭妻年二十九夫故矢志守節撫孤成立

閻氏王秉鑑妻年十九于歸八載夫故矢志堅守撫孤成立

呂氏魏應元妻童養夫家年十九合卺二十一夫故遺孤方兩月奉祖姑及翁姑孝撫孤成立

沈氏程某妻年二十夫故家貧夫兄弟析居氏勤儉頗能自給自食粗糲以精者奉姑撫夫姪承嗣

蕭氏李東山妻年十八于歸方三月夫故守節孝養翁姑數十年如一日以夫姪承嗣

高氏奎剛女吳其善妻年十九于歸三載夫故無出苦節自守

張氏合齡女呂中和妻年十九子歸二十八夫故事翁姑孝撫子
女成立

趙氏師其慕妻童養夫家年十九合卷二十一夫故事衰姑撫弱
息雖貧苦無二心

羅氏張利仁妻年二十五夫故守節撫女成人

許氏田磅妻年十九子歸二十六夫故無出守節不渝

邵氏謝忠義妻年二十九夫故無出事翁姑孝守身無玷

李氏樊芳春妻年十九夫故無出孝翁姑善節可矜

劉氏石火妻年十九子歸一載夫故孝衰姑撫弱女守節不渝
以上

十四人皆
現年六十

朱氏石啞以妻年二十二夫故守節撫遺腹子長春成立

曹氏谷春芳妻年二十八夫故矢志苦守事祖翁姑以孝聞

張氏程海清妻年二十八夫故事姑撫幼清操不渝

董氏王蘭馨妻年十七于歸夫夙患病奉湯藥不倦夫故氏年二十三家貧翁老紡織供養教子敬修成立

師氏春善女張書堂妻年十九于歸二十一夫故守節事衰翁撫週歲孤備極艱苦

李氏麻驢妻年十六于歸數月夫故子身苦守

鞠氏高國全妻年二十九夫故奉翁姑教子女備歷艱辛

谷氏田春雷妻年十九于歸三載夫故無出撫夫姪恩義兼盡

鄺氏張滿堂妻年二十七夫故守節

崔氏趙連元妻年十九于歸二十三夫故孝翁姑撫孤成立

張氏陳東峯妻年十九于歸二載夫故矢志堅貞孝翁姑人無聞

言

李氏黃五珍妻年二十一夫故矢志守節親病湯藥親嘗寢食俱廢

田氏張興義妻年十九于歸二十九夫故一女三歲氏貞潔自矢

始終不渝

以上十三人皆現年五十九

于氏王尚禮妻年二十八夫故翁有寵妾與嫡積不相能氏調和不能得姑別居及歿氏竭力營葬

栗氏李盛榮妻年三十夫故翁歿姑衰備極孝養子女四人皆撫之成立

鄭氏孟憲邦妻年二十九夫故事姑孝教子女嚴而有法長子慶昇入庠次慶福監生

路氏劉翼之妻年十九于歸二十九夫故一女數月析居後地僅五畝孝翁姑勤儉持家內外經理皆賴一身

孫氏武庠生金鐘女鄭連城妻年二十四夫故守節孝親嚴操守未嘗輕以詞色假人

麻氏張如金妻年二十九夫故事翁孝撫二子成立

尹氏鄧心田妻年二十九夫故一子四歲撫養成立事姑和顏悅色未嘗有違

張氏劉漢卿妻年二十五夫故事翁姑孝以夫姪國彥承嗣

谷氏增生方田姊縶瑞雲妻年二十七夫故苦節自守事翁能孝王氏韓玉培妻童養夫家年十七合卷二十八夫故子三歲家奇貧姑老竭力以養教子成立

程氏雲衢女張景武妻年二十五夫故無出矢志苦守事翁姑孝張氏靳畏三妻年二十五夫故一女氏矢志守節以夫姪瑞麟承

嗣

劉氏全興女庠生吳孔昭妻年十七于歸九載夫故孝事翁姑撫
子成立

曹氏廩生澍女鄧伯岳繼配事親孝撫前子有恩夫貿易不返氏
年二十一僅一女茹苦含辛撫養成

周氏武舉蘇連城子國用妻年二十二夫故矢志守節

楊氏任錫三妻年二十七夫故家貧親老子幼艱苦備嘗翁姑歿
衣棺皆自任之不攀夫昆弟

張氏彭豆妻年十九夫故家貧紡績養姑族人欲奪其志誓死不
從

傅氏張得衆妻年三十夫故無出子然一身紡績餬口志終不渝
胡氏郭欽道妻年三十夫故守節治家勤儉教子女寬嚴相濟

十九人皆現
年五十八

王氏黃紹伊妻年二十二于歸相夫奉姑有賢聲八載夫故守節撫孤未幾子殤以夫姪孫懷珠承祀

汪氏鄧伯顯妻年二十九夫故孝事衰姑撫夫姪錫榮承嗣

馬氏會元女單殿元妻年十九于歸六載夫故無出守節不渝

王氏彤雲女韓文燦妻年二十一于歸四載夫故無出家貧依母

家居勤紡績置產十數畝所得粟以奉翁姑且分潤夫兩弟

時氏夏餘慶妻年三十夫故遺二女翁姑老且病侍奉湯藥久而不怠及歿竭力營葬

常氏田豆妻童養夫家合卺數載夫故氏年三十僅二女孝事孀

姑苦節能貞

以上六人皆現年五十七

邵氏楊芳心妻年二十七夫故事翁孝撫二子冠山省山成立
喻氏戚凝命妻年二十八夫故苦守事姑孝

劉氏成山女安定知縣王式金次子監生書增妻子歸年餘夫故
一女方數月事姑甚孝女年十七殤氏好善如修槐店鎮南門
文昌閣集西賜福橋皆捐鉅款其他施棺木衣服藥餌難枚舉
曹氏建邦女武庠生竇春臺子書銘妻年十九于歸三載夫故食
貧奉翁姑孝撫嗣子同義有恩

王氏田承德妻年十九于歸二十五夫故遺一女貧苦不能自養
隨夫弟佃田於外勤勞不息冰操益勵

趙氏郭狼頭妻年二十六夫故無出貞潔自矢窮久益堅

于氏梁金韶妻年十九于歸五載夫故事姑孝撫夫姪承嗣

王氏趙所然妻年二十六夫故矢志守貞紡績養親翁瞽左右扶
持不少怠以夫姪學海承嗣

孫氏竇廣林妻年二十夫故毀容守節孝事翁姑

王氏趙連茹妻年二十九夫故家貧事翁姑撫弱女孝慈兼盡

十人皆現
年五十六

崔氏鄧錫權妻年十九于歸恪執婦道二十一夫故一子又殤孤
苦零丁終無異志撫夫姪承嗣

劉氏張熱鬧妻年二十于歸二十六夫故一女氏心如金石始終
不渝

姚氏自學女師金玉妻年二十七夫故事翁姑撫弱女克盡孝慈
張氏東山女高尊德妻年二十五夫故一子殤嗣子方娶又歿志
苦益堅

鄺氏淮甯鄺振南女庠生吳恆月妻恆月英才卓犖人以遠大期
之不幸早亡氏年二十三遺一女及笄又夭零丁孤苦守貞不
二撫夫姪文和承嗣

袁氏劉玉龍妻年二十五夫故無出奉姑養葬盡禮

李氏傅玉鳳妻年二十夫故無出矢志守節孝養翁姑

董氏全中女殷喜至妻年二十五夫故子長庚方彌月紡績養親
撫孤成立

戴氏孫起妻童養夫家合鬻數載年三十夫故遺二女孝事翁姑
勤儉持家

劉氏張國乾妻年二十二夫故僅一女氏矢志守節克盡孝慈
師氏吳文魁妻年二十一夫故子久山甫週姑患末疾氏左右扶
持不怠

吳氏春川女夏啟善妻年十九子歸逾歲生一子二十六夫故事
姑孝夫兄弟四人析居後氏依母家居每歲首先迎姑奉養數
月及孤成立始歸姑歿與夫諸弟竭力營葬子有慶亦克家

張氏李北平妻年三十夫故守節

胡氏淮甯胡國士女王汝舟妻年二十九夫故子俊章方五歲女亦幼氏矢志自守事翁姑孝家貧嘗同子女居母家至拾椹充飢終無懈志子成立家道小康

馮氏田得金妻結縵二載夫外出不返氏年二十一事祖姑委曲承順不萌異志

石氏趙履坤妻年二十九夫故矢志守節事親孝教子水章嚴而有法以上十六人皆現年五十五

崔氏閻松安妻年二十夫故守節不渝

師氏石頭妻年二十四夫故遺二子同甫三歲文甫方週翁姑老氏以婦代子撫孤成立

趙氏石周妻年二十夫故僅一女家赤貧氏紡績奉親貞操不渝

夏氏德成女樊小真妻年二十一于歸五載夫故遺二女家赤貧
送女夫家童養賦芻翻口數十年不渝初志翁姑年老雙瞽事
奉不急及歿經營葬具備極艱辛

朱氏心旺女庠生張孝友子維祺妻年十九于歸十載夫故子三
品未彌月翁姑早世家無半畝田氏艱貞自守不屑求人親族
有餽必再三辭

鄧氏石大作妻年二十二夫故無出家貧親老竭力供養

張氏孫冰妻年三十夫故遺腹生子氏養親撫孤備極艱辛

劉氏崔化南妻年二十九夫故遺二女翁姑在堂氏上奉下撫孝
慈兼盡以夫姪心誠為嗣

閻氏胡致祥妻幼偕母乞食年十二童養夫家十七合卺三載夫
故子方兩月矢志撫孤勤儉持家及子成立家業漸裕

吳氏朱士元妻年二十七夫故守節撫孤成立

李氏樊振聲妻年二十五夫故子二敬修慎修氏事翁姑撫二子
孝慈兼盡

李氏王冠儒妻年十七子歸恪執婦道夫以苦讀咯血痛故氏年
二十七紡績度日撫子志義及二女成立

五氏薛亂妻年二十八夫故僅一女氏矢志自守事翁孝

王氏 恩賜副榜永清孫女鄒廷實妻年二十五夫故遺腹生子
金履事親撫孤始終不怠

張氏武庠生西嶺胞妹劉心安妻年二十二子歸期年夫故矢志
守節以夫姪振川承嗣

五氏田瀛源妻年二十三夫故矢志守節織黼度日教女有法

以上十六人皆現
年五十四

呂氏啟緒女王德廣妻年二十五夫故孝事重闈撫孤有成

閻氏李成立妻年二十六夫故守節撫孤

劉氏鳳翔女庠生單魁元妻年二十三夫故事姑孝撫幼女成人

高氏崔立志妻年二十三夫故孤苦無依矢志完貞

樂氏袁世楷妻年二十五夫故遺腹六月生子事翁姑撫弱息克盡其道

劉氏沈邱劉景舜女董西木妻年二十二夫故子女各一氏上事下撫艱苦備嘗未幾子女俱夭翁姑益老其遭更苦

張氏淮甯增生張石渠女樊大化妻夫常患病日侍湯藥不怠年二十七夫故子女各一氏事親撫孤心力俱瘁

王氏沈邱監生玉照鈿女閻仲三妻年十七于歸二十五年夫故子溥恩數歲一女旋殤溥恩長娶王氏年三十四卒子女七人皆

賴氏撫養

陳氏金城女董興元妻年十九子歸二十四夫故存子滿幼或誘
事翁姑教子成立

李氏師金斗妻年十九子歸二十夫故管節撫孤事親孝
沈氏錦心安妻年二十四夫故守節奉親以孝教子兼進

周氏濼甯歲貢周之楨女廩貢楊修齡子鼎妻年二十夫故孝
事翁姑守節不渝

張氏歲危妻年十九子歸踰年夫故遺腹生子心廣氏事親撫孤
艱苦備嘗

李氏張邦妻年二十夫故矢志守節勤儉持家
張氏歲華清妻年二十夫故遺腹生子心廣氏事親撫孤
力營華教子成立家業漸起

以上十四人皆現年五十三

石氏夏超妻年五十四夫故遺一女氏矢志守節

靳氏麻費妻年二十夫故遺一子惡族有利謀產請嫁之故

聞移居母家十數年苦節自守

霍氏高秉仁妻年十九于歸二十六夫故遺一子姑性嚴氏委曲

承順鞭撻無怨意教子亦孝

張氏鄭冠然妻年二十九夫故事翁姑孝撫孤成立

廣氏韓希顏妻年二十七夫故翁姑年老奉事維謹教子孝成

鄭氏承順女至振榜妻年十九于歸姑久病翁倚湯藥躬澣滌無

怠爽病年餘晝夜奉事夫故矢志守節終喪姪承嗣

周氏田胡妻年二十八夫故無出守貞不二事姑以孝

戚氏王有恆妻年二十四夫故遺一子鳳岐鳳崗氏守節奉親

孝成晝夜紡績家業日增

邵氏趙興邦妻年十九夫故無出有惡族欲嫁之誓死不從姑早
世勸翁繼娶拓氏生子煥清方週翁與繼姑相繼逝氏撫夫弟
成立勤儉持家償翁債六百餘緡

鄧氏蔣義聲妻年二十一夫故一女旋殤竭力奉姑艱苦莫名
田氏藥應南妻年二十五夫故守節教二子成立

薛氏趙權妻年二十七夫故子履芳又孀孝事衰姑守節不渝

曾氏淮甯監生曾廣文女李三綱妻子歸二載夫故無出欲身殉
念翁姑無依忍死守節翁被跌傷氏侍湯藥奉飲食數月不息

夏氏師其梓妻年二十一子歸一載夫故無出孝事翁姑苦節能

貞以上十五人皆
現年五十二

張氏潘學禮妻年二十五夫故事親撫孤孝慈兼盡

靳氏良臣女高折桂妻年十七子歸中九夫故一女氏矢志守節

袁氏士崇女李故春妻年二十于歸期年夫故無出矢志守節事翁姑孝翁瞽既出入扶持數年不息

蘇氏鄧運成妻年二十七夫故家極貧事孀姑撫幼子辛苦備嘗
吳氏趙國秀妻年二十于歸四載夫故蚤歿章方半月氏奉親教子終不渝志

蕭氏李玉秀妻年二十九夫故子天恩幼遇事姑孝撫孤成立
吳氏鄭根母年二十二夫故子數月翁姑繼歿家赤貧母家亦貧族人欲嫁之氏恐攜子傭於世家二十餘年積資置地數十畝為子授室後始歸

范氏榮全女王心平妻年二十一于歸五月夫故翁姑衰老無依氏忍死事親勸翁納妾生子九歲翁歿九歲又夫氏痛幾絕以夫從姪天德承嗣奉
旨旌表

傅氏黃如舉妻年二十六夫故子甫泱月家奇貧租房以居一志不渝

戚氏解牛妻年二十三夫故事親孝撫嗣子毛成立

夏氏汝甯夏景榮女李景潤妻年二十七夫故子金鼎方十月氏孝事衰姑撫孤成立

劉氏監生玉璽女張應木妻年十九夫故無出守節孝事翁姑

張氏吳芳潤繼配年十九子歸二十六夫故一女氏柏操自矢撫前子女有恩

王氏高秉善妻年三十夫故子二事姑撫幼矢志守貞

郭氏錫蕃女單占元妻年十九子歸一載夫故無出守貞不渝
麻氏夏恆慶妻年二十四夫故無出苦節是守

李氏郭磅妻年二十五夫故無出家貧苦守

沈氏王尚德妻年二十五夫故遺腹生子母家迫欲嫁之矢志不從教子成立

馬氏張名聲妻于歸五載夫故子宗鑒方週有惡族欲嫁之氏誓死不從鄰族公忿欲鳴諸官惡族懼事遂寢茅屋二間僅蔽風雨紡績自給撫子成立

劉氏張向陽妻年十八夫故無出奉姑孝守節不渝

薛氏如海女相茂龍妻年二十七夫故遺腹生子驚事親撫孤孝

慈兼盡

以上二十一人
皆現年五十一

馬氏劉歎妻年二十五夫故子二興邦興廉家酷貧氏傭以糊口
韓氏袁文魁妻年二十二夫故子九山三歲氏事衰姑撫幼子紡

績度日

張氏范三綬妻年二十夫故無出矢志守節

李氏靳懷仁妻年二十九夫故孝事翁姑教子丕養成立

宋氏崇禮女竇錫銘妻年十九于歸期年夫故無出事繼姑孝處
妯娌和待卑幼慈同居三十餘口中饋事皆氏主持

張氏黃炳炎妻年二十寡遺腹生子三序翁姑早世夫兩弟俱幼
田僅數畝氏艱苦撫養成立

李氏楊賈妻于歸年餘生一女夫故氏年二十二家貧甚堅貞自
矢始終不渝

王氏袁平章妻年二十夫故無出事翁姑孝處妯娌和

李氏沈邱監生李芳春女武生張應選妻年二十三夫故葬時開
二壙虛其一甕以甄封之示堅守無他志

竇氏榮慶女王嵩生妻年十七于歸數月夫故苦節不渝

鄧氏呂可儀妻年十九夫故矢志守節待夫幼弟有恩

高氏錫柱女李天恩妻年十七子歸二十一夫故一女方週氏清白自矢歷久彌堅

關氏王順理妻于歸月餘夫故矢志苦守孝事翁姑

王氏文某妻年二十夫故矢死靡他妯娌和睦無違言以夫姪升堂承嗣

魏氏范棣選妻年二十六夫故子二長宿次振氏事姑教子孝慈兼至

周氏汝陽廩生周錫齡女李鳴鳳妻年三十夫故子連元數歲氏事親撫孤孝慈兼至

王氏牛金鏡妻年二十四夫故貧無立錐冰操自勵撫二子成立劉氏趙作謀妻年二十三夫故子汝嶺未週氏事翁姑孝處妯娌

和

單氏明遠女王樂山妻年二十三夫故子二氏事翁教子孝慈兼盡

李氏趙臨軒妻年二十三夫故子海晏方週氏奉親孝撫孤成立張氏姜懷仁妻年十九夫故遺腹生子氏事孀姑撫弱息孝慈兼盡有叔姑早寡無依選以同居事如姑

曾氏李鼎振妻年二十四夫故一女氏矢志苦守事翁孝撫夫姪

金城承嗣

以上二十二人皆現年五十

解氏上蔡解虎女王朝祿妻童養夫家合卷數載夫故無出孝事孀姑日夜紡績衣食皆取給焉冬為故溫被數十年不怠

高氏廷璧女李錫端妻年十九夫故苦守紡績度日年老積有餘資傾囊助修姚橋

張氏淑愧女李修德妻年二十九夫故守節不渝

高氏崇中女曹興詩妻年三十夫故遺子女各一氏事翁教子克盡孝慈好施予嘗捐資助姚橋工

師氏適阜陽李鎮生三女夫故氏年三十苦節自守撫夫從姪為

嗣

以下邑女外
適現年不一

張氏彥邦女年十九適汝陽董應瑞六載夫故遺一女咸同之變避難來項因家焉事翁姑養葬盡禮

王氏京兆女年十九適沈邱廩生李楨十載夫故既殮氏乘閒自經遇救復蘇念承祧無人與姑議為翁置妾馬氏生二子汝功汝勤翁姑相繼歿二子幼殯葬皆氏任之勤儉持家不辭勞瘁教夫兩弟讀書成立光緒二十九年奉
旨旌表

周氏文石女適淮甯張狼頭生一女夫故氏年二十六家奇窮翁姑年高夫兄嗜賭不顧父母養氏勤紡績供甘旨未幾翁姑歿

女殤夫兄欲奪其志謀已成氏知夜逃至母家居數年父母俱逝孤苦伶仃終無渝志

蔣氏武庠生致遠女年二十二適汝甯潘東藩方三月夫故念舅姑無依忍死苦守舅姑歿喪葬盡禮

鄧氏文獻長女歲貢錫鑫姊也年十六適上蔡戚秉乾夫故氏年二十四遺孤明新三歲家甚窘紡績養姑姑歿哀毀逾禮

劉氏適淮甯王保同于歸三載夫故守節撫夫兄子為嗣

鄧氏文獻次女年十六適上蔡岳振綱四載夫故遺一女翁瞽叔幼氏忍死孝養勤苦萬狀以夫姪書田嗣

范氏文淵女年二十一適淮甯王天文夫故遺一女夫兄弟析居氏獨自奉翁翁八十餘臥牀不起氏朝夕扶持不怠

石氏效例女適沈邱武庠生耿欽明為繼配方一載夫故撫前室

子女有恩


夏氏阜陽袁明倫母年二十三于歸五載夫故遺子四歲撫之成立

王氏適淮甯趙壽年三十夫故翁姑老養葬盡禮教子嚴而有法
王夫天官女適沈邱趙鵬翔年十六于歸夫故氏年二十八子二
長波臣次輔臣矢志撫孤鵬翔弟鵬翔妻郭氏青雲女年十五
于歸夫故氏年二十娣姒同貞以夫姪輔臣為嗣均已旌表

劉氏武庠生鵬女年十八適沈邱韓子衡六載孳生子克勤克儉
方週夫故事祖姑與姑孝教二子有成

甯氏泰然女適沈邱耿作賓年二十三夫故遺子元章方數月氏
事親撫孤孝慈備至作賓弟桂林妻吳氏監生保楨女年二十
一桂林歿元章妻張氏監生鳳立女年二十九元章歿一門三

節皆邑女也



項城縣志卷三十

列女志五

烈婦

明

胡氏庠生韓弼妻性貞烈明末流賊破陳州所至焚劫民慮弼母老不及知飛馬抵母家至門內大聲呼家人白傳語以老賊至矣殺入放火速逃遲則族矣家人請下馬入內庭氏曰吾姑在遂策馬回遇賊於呂家店見幼弟被擄欲奪與俱還與賊鬪手刃數人賊大至環攻之氏知不免罵不絕口遂被害賊去復有老佃戶某見之痛曰吾主婦也以土掩其尸於村前及國朝定鼎始得禮葬焉補

張函郭可天妻可太病危不愈氏夙夜躬湯藥可大語曰吾死命

也婦道從一而已氏聞哽咽不勝可大殯氏痛曰吾何夫乎孰
若死之為快乎自縊夫柩側事聞旌表其門雍正六年入節孝
祠

胡氏府經歷游溥妻正德六年流賊入城執氏欲淫老氏大罵由
狗賊敢欺我儒婦乎賊怒縛城南樹上射之爛其軍賊解死知
縣張諭以聞詔旌其門入節孝祠賜予恤為庠生

師氏王紹妻于歸期年夫故氏年十九日廢號泣誓終姑每與諭
之後三年氏恐舅姑終奪其志自縊死知縣盧衮臨祭申聞旌
曰從容就義

崔氏王家彥妻于歸數月夫故氏乘夜自縊死知縣張師尹臨祭
作輓歌申聞旌曰貞節

劉氏竇希蓋妻希貢因事自縊氏年十九哀夫死非命絕粒氣竭

死而復甦者三竟僵於夫柩側知縣表其門

吳氏李宰妻宰病篤謂氏曰我必死汝年二十餘可改適氏痛哭誓同死語聞宰已氣絕氏潛入隱室自縊宰復甦聞氏死流涕少頃亦卒氏卒三日容色如生知縣陳往弔旌其門曰貞節

張氏深州知州閻廷梓妾廷梓病篤張知不可為預入靜室汗巾

自塞其咽死焉廷梓聞之含笑而逝知縣王欽誥旌之原注見兩朝實錄

馮氏生員仲智女生員戚溥妻幼端謹不輕言笑年十九于歸夫家貧氏事之甚謹甫三年夫故氏投繯再三皆以救免遂絕粒歷七日竟殞柩側時不能具棺七日顏冕如生知縣某聞而買棺殮之匾其門曰女中丈夫按院袁元舉奏其事旌由貞節之門入節孝祠

王氏王復興妻明季遇寇義不受污被害知縣旌曰貞烈可風

秦氏廉生園燦妻燦幼孤氏勸燦勤學有聲藝苑燦壽喪事終三

年如一日燦卒無子挾二女繞棺痛哭嘔血數升遺月竟殞權

側知縣徐可大旌曰大義殉夫

源在見兩朝實錄

國朝

王氏拔貢車孕崧妻崧為諸生時家貧甚氏勤紡績佐讀流賊入
城氏謂崧曰君可逃吾義不辱遂抱八歲女投井死有碑亦投
別井死

王氏閩清知縣石璧妻流寇陷城氏恐受辱投井死寇退璧出之
面不改色

聶氏李成方妻往地刈菜有強暴魯七挑以詞色氏憤置因為所
殺知縣顧芳宗按得其情白各憲置魯七於法

趙氏田玉硃妻于歸三載夫故氏於將殮時乘閒自縊項玉硃復甦聞氏殉節歎曰父母賴有兄弟事奉我且無遺孤趙氏貞烈余死瞑目矣語畢復逝知縣陳鷗年旌曰榮褒貞烈督學旌曰貞骨永馨

馬氏袁文傑妻于歸數載克盡婦道夫故方殮時自縊死

鄭氏馮太學妻年二十七夫故無子氏乘閒投水死中丞雅爾圖公刊其名於彰善坊

聶氏李賢相妻賢相商於外鄰人王柱窺其室無人入樓之氏疾聲大呼王懼逸去氏誓自殺以滅恥姑防閑甚嚴乘閒投井復

為鄰婦救出踰數日竟自經死於雍正八年

旌表

此傳較通志改

馮氏張士珩妻有惡棍窺氏家無人欲肆強暴氏堅拒喊罵棍驚逸氏以為大辱遂自縊死奉旨建坊旌表

王氏劉浚妻年十七于歸方一載夫故無子舅姑俱早世竭力葬夫畢從容自盡知縣涂公旌曰藁節堪矜

鄒氏王孟妻翁紹起素無行數欲私婦婦不從會氏以日晡歸甯紹起要諸途脅以非禮氏義不辱乃手刃婦棄沙河中越七日屍忽停於韓氏津西面色如生相傳有鄰犬守護屍賴以全鄉民習知紹起無行嘉氏能以死全節也為舍土瘞之鳴諸官官置不理已而事聞於河道總督汪公逮紹起訊問獄成斃紹起於杖勒石墓前題曰貞婦鄒氏之墓今其碑猶存以上舊志

郭氏黃丕明妻子歸未期年夫故誓殉投繯數次以救免事親孝越四載病不肯服藥而卒旌如例

張氏子甲第五女閻培性妻年十九于歸家貧甚畧無愁怨意越二載夫故氏是夜自縊死知縣陳謀為立碑以魄濯冰壺旌之

申氏恆修女吳國壽妻于歸半載夫故氏親視含殮是夜自經死
知縣莊親拜其墓旌曰捐軀盡節乾隆五十七年六月事

東氏翔岐四女張延瑞冢婦歸數月夫故氏視含殮入夜自縊死
田氏歲貢夏峯女王華山繼配夏峯無子教諸女讀書暮通大義
氏其季也年十九于歸越三載夫故無出視含殮畢踵引刀自
洞其胸刃出背後寸餘姑至數語始卒知縣旌曰節烈流芳邑
人王詵桂為作烈婦吟

符氏劉彤雲妻咸豐庚申毫匪擾項氏同家人避難至曹橋賊大
至被圍數重賊欲刳氏並其女眉姐泣罵不從欲污之罵益厲
賊怒殺之女亦被害

王氏監生鳳竹女師維屏妻性貞靜寡言笑于歸後事翁與繼姑
以孝聞生子女各一夫歿氏事親撫孤備極勞瘁繼姑性嚴悍

遇之火恩怒罵鞭扑未嘗出一怨言子孟勤髻齡遠就學不稍
姑息生平操守極嚴終年鍵戶諸姑娣姒亦不輕趨咸豐
十年三月十九日擒匪猝至氏攜女出村度不免坐路旁井側
賊將近攜女投井死

劉氏孫東柱妻性貞靜于歸二載值咸豐庚申之變家舍倉皇逃
避氏獨泣不去問之曰與其逃而後死於野何若不逃而死於家
乎勸夫急逃無俱死夫不得已去賊至舍戶魚鱗死

安氏張化南妻咸豐庚申皖匪擾項全家赴城避難至半途賊騎
馳至窺氏年少有姿容欲劫之氏大罵不屈遇害時三月十九
日也

馬氏張揚妻事舅姑柔順無違年二十九夫故無子親視舍殮畢
遂飲刃死

王氏孀坐麻彥方子婦吳哉遺孤梅方數歲氏貞節自矢有鄰婦
王節氏淫而悍欺其夫愚懦猶於所和醜不諱然婦恥之見於
辭色節惡其形己也屬所私犯之烈婦不從羞憤自縊死事雖
鳴官而未遷旌表今五十餘年矣

成申夏余在志局編輯烈女傳夜夢一少婦攜幼子衣縞素拜
於前隣其家曰城北街涵何人曰姓王覺而異之屬同人密訪
之果得烈婦事與夢相符非有此夢此婦之貞烈且泯沒無傳
益歎浩氣烈魄精爽常留於天地間誰謂其人已死其鬼不靈
乎邑人楊浚閣謹誌

趙氏傳喜中妻姑患癰歲豐庚申賊突至氏惡姑不惡去賊欲劫
之氏不從遂罵之賊殺之並焚其室姑被焚死鄉里哀之

范氏劉冠一妻子歸後生女無恙費廣申醜匪由槐店來氏時年

二十餘倉皇逃難欲赴城至邑東北高老家村賊騎馳至氏恐受辱攜二女投井死

陳氏張東昇妻夫溺死氏誓以身殉家人防之密歷數月乘閒自縊死

高氏田作興妻年十九于歸越一載夫故氏水漿不入口鄰族勸之惟有哭泣而已家人防稍怠遂自經距夫死十日

靳氏楊聚銀妻值土匪亂寨失守夫不屈死氏年二十七哭不已勸之食亦不食卒自縊於夫側

魏氏劉郭磅妻翁早世奉姑至孝夫傭於外衣食出氏十指閒無怨言咸豐庚申皖匪突至氏負姑逃難賊欲殺姑跪而哀免毆犯之不從脅以刃甯死不奪罵不絕口賊怒殺之年二十一

鄧氏效禹女張某妻性謹樸九歲失恃嫂羅氏撫養之年十六于

歸期年事舅姑孝謹處諸妯溫柔善下躬執勞役值土匪亂避居新橋寨離家三里許姑命偕妯歸家為賊騎所追前阻泥河度不免赴河死

馬氏友龍女張清品妻咸豐十一年捻匪突至氏與姑偕逃賊欲傷其姑氏以身蔽之叩頭乞哀賊復刦氏令上馬氏曰吾隨汝去吾姑誰從也賊厲聲喝之掖之上馬者三氏以身投地罵不絕口賊怒殺之

劉氏監生文璧女申如淵妻父疾篤氏割股煎湯以進年十九于歸二十二夫故氏痛極引刀刺胸家人急救免調治月餘避難郭平樓寨投井死同治四年歐陽督學旌以致命遂志

崔氏仰震姊張運熙妻咸豐庚申三月仰震家有喜慶事招之歸崔養浩妻吳氏鮑廣淵妻董氏皆與焉猝聞匪至三人同車赴

城及臨城門已閉駛而南至城西南盛營賊迫之恐見辱三人俱投井死崔氏光緒七年旌表入祠

張氏問仁女鄧錫翰繼配性慈孝善事翁姑撫前室子有恩夫故當即吞粉未死家人防之密數月後稍息沐浴更衣自縊死

劉氏萬鑑女吳品三妻年十九于歸期年夫故氏痛不欲生家人慰解之哀稍止久若忘情者防稍懈竟自縊死

傅氏明哲女張樂三妻性貞靜事舅姑孝處家人和咸豐末皖匪猝至氏攜幼子及諸女以逃遇賊欲劫與俱去大罵不從賊怒肢解之並殺諸女

張氏廣女高祺臨妻咸豐末聞毫匪伊邇氏與幼子萬里逃至村西里許見賊來甚衆村屋被焚度難免遂赴火死

張氏月明女李自訓妻年二十一于歸越二載夫故無出氏暗將

衣服帶履綴結如一對家人言語自若乃乘閒飲毒死

張氏茨林女夏蘊之妻年十九于歸六年夫故遺腹生子氏堅志事親撫孤母欲其改嫁議定氏知之自縊死

李氏鳳辰女顯義妻幼有志操咸豐末遇匪欲劫之氏罵不絕口遂遇害

師氏高恆妻咸同間避亂居寨寨破氏投壕中賊見氏年少有姿色倒戈欲出之氏不應且罵賊衆以鎗刺之至死罵不絕口

馬氏冠中女閻淑昂妻夫故氏年二十五茹苦奉親矢志撫孤咸豐庚申之變逃至汝陽秦破樓視賊騎已迫恐不免投崖死

倪氏見龍女余應南妻幼有志操以禮法自守年十七于歸應南游惰不事生業氏紡織自給恆居母家應南益窘聽無賴言欲令他適氏誓死不從未幾應南歿母憐其少無子勸余改醮

不可母潛與子謀事將諸氏關自經死時年五十三同治三年
六月初一日也值流寇亂權葬母家同治乙丑督學歐陽表司
節婉其姜夫姪廩生連軫勒石表墓

趙氏王利海妻有至性咸豐庚申毫匪擾瑯逃至張家園購腐集
氏恐受辱抱八歲兒投井死

吳氏師東成妻女冬姐年十八夫弟東九妻李氏年亦七歲咸豐庚
申同避難白楊樹寨寨破氏及弟與女均投水死

姚氏張某妻早寡無子愛夫姪銘忠如己出咸豐庚申避難白楊
樹寨寨破氏抱銘忠出賊並殺之聞者莫不流涕

李氏趙亨妻毫匪擾項避難白楊樹寨寨破氏隨夫逃夫被賊刺
落水氏知不免抱嬰兒赴水死同時有李大乘妻殷氏恐被辱
自縊死李煙青妻李氏赴火死李斧頭妻余氏李萬春妻王氏

皆以罵賊死賊齧割余氏而焚其尸

趙氏李來喜妻咸豐庚申三月十九日亳匪突至執氏欲污之大罵不休遂遇害

李氏南曉女張文芳妻值匪亂被擄欲污之氏大罵遇害

張氏劉合齡妻性貞潔以禮自守同治初土匪蜂起避居曹窑寨匪突圍攻氏恐寨破不得死所攜其女板姐投井死同時死者有張狗吞之母與妻及其二女姪姐瑁姐

師氏大苑女麻重安妻咸豐庚申賊至氏恐被辱抱子投河死賊去出其尸猶攬子於懷手堅不可解觀者流涕

馬氏張本善妻美姿容年十七于歸伉儷甚篤夫兄乘弟外出強欲污之氏不從大罵不已兄懼而逸氏遂自經死

夏氏韓麒麟妻與其妾聞氏採薪於野捨匪突至欲污之不從迫

以刃拒愈堅厲聲罵賊賊並殺之一門雙烈出於嫡妾嗚呼難已

吳氏昭元女趙麻子妻年十九于歸二載夫故無出或矢志自守事翁姑孝夫弟小五逼改嫁氏奔母家欲死三日不食父母苦勸始進飲食數月歸小五仍執前議氏自經死

楊氏閻松苞妻家貧無養同治初偕子盛粒採茶於野賊突至子先奔賊欲掠氏去不從罵不絕口賊怒殺之

郭氏盤崙女韓生福妻幼通四書明大義年十七于歸克盡婦道年二十四夫故遺腹生子氏忍死育孤咸豐八年擒匪由商水掠項時當收穫猝不及防被執大罵怵以兵不懼又慰以溫言罵益厲賊怒肢解之至死罵不絕口

蔣氏劉海洲妻克執婦道咸豐初寨被匪攻破三子聚被擄氏恐

受辱投壙死長子寶善以七白金贖聚回未幾歿聚妻王氏不食數日投繯死事聞奉 旨俱準建坊入祠

馮氏閻松棟妻同治初汝匪蜂起避亂歐寨歸家遇賊匿草間賊搜得之欲擄去氏大罵賊暱勸不從賊曰從我者生逆我者亡氏曰吾甯死不從賊也遂殺之

楊氏申興仁妻性賢淑事翁姑孝同治元年九月初十日捻匪破申營寨被執罵賊不屈死

李氏王樹人繼配年十九于歸三載夫故氏投繯以救免撫前室女極有恩越六月女病歿氏歛葬死事聞 旌表夫從兄乙丑 恩科舉人居士為文表其墓

馮氏春榮女丁世勳妻于歸時夫即抱病越四載天故氏年二十三無子姑遇之虐常居母家姑欲奪其志氏吞洋煙死知縣王

立碑旌之

鄧氏伯玉女夏德廣妻年二十一夫故吞洋煙死

高氏元龍女田金鐘妻年二十二于歸克執婦道四載夫故乘閒
仰藥死

朱氏韓琢妻年十八于歸家貧甚氏精女紅伉儷甚篤一載夫故
翁逼令改適不從服毒死

高氏士錦女監生楊峻峯妻中年孀居咸豐庚申毫匪掠項至氏
家見婢有姿色強欲污之氏大罵不休賊怒刃之去婢得免氏
復蘇延二十日竟卒時閏三月十九日也後以節烈旌入祠
陳氏田東木妻同治二年東木助勦尚店餘匪遇害氏悼痛萬狀
竟不食死

劉氏汪德明妻年十八于歸甫廟見而夫病故毀妝盡哀誓以身

殉家人密防之竟不食死

趙氏石際昇妻年十九于歸未半載夫故誓身殉翁姑密防之計不得行久之飲食言笑如常值姑歸甯祭奠盡哀抱夫主自經死 旌如例

孔氏憲仁妹范冠五妻父母早世依嫂成人于歸未幾夫故僅有衰翁欲身殉念有娠因忍死數月生男冀延宗祀遂稱未亡人年餘翁逝子亦殤氏大痛曰吾事畢矣吞洋煙死親族哀之以夫姪國平承祀

王氏韓石頭妻年十九于歸執婦道甚恭家貧無養隨夫佃於外值收穫夫命于田日將晦有無賴子欲污之氏罵不從歸家自縊死

趙氏李畏三妻族無賴欲污之氏投暗處自縊死

馬氏友龍女張天駟妻家貧親老天駟傭工於外氏以鍼苒佐甘旨得翁姑歡毫匪至夫被害氏恐見辱自縊死

侯氏紹羸女樊玉林妻毫匪至隨家人逃至白廟村匪騎已迫恐見辱攜二幼子投路旁井死

曹氏閩松文妻于歸一載毫匪突至舉家驚惶莫知所之氏入室自縊死

李氏文徵女張如意妻聞匪自東來合家南行至馬樓突與匪遇氏攜二幼子投入村前井死

鄧氏文光女衛如山妻夫中年病故氏教子嚴而有法毫匪擾境氏隨家人逃難至白楊樹寨詰朝賊大至寨失守氏恐見辱赴水死

馬氏君安女衛如岡妻克盡婦道門內無勃谿聲中歲夫故氏為

三子延師課讀寬嚴並濟咸豐庚申毫匪至家人倉皇南行至
白楊樹寨詰朝寨破氏赴水死

劉氏庠生李秀妻避寇白楊樹寨寨破夫罵賊被殺氏與一子一
女同被害

王氏馬景常妻聞寇至從夫往城逃難遇賊於路夫被殺氏與二
孫女同遇害

王氏馬希罕妻年二十二子歸數載夫病劇焚香祈以身代夫竟
卒氏赴水死

尚氏韓培前妻于歸數載夫故無出母兄玉綸欲奪其志不從玉
綸潛圖之嫁有日矣氏聞是夜歸家投井死

王氏城東北鐵佛寺人夫某氏年二十三夫與姑相繼逝一子方
週歲翁年老家貧無養賴氏紡績度日夜有盜十數人毀垣入

氏聞聲匿牀下盜欲殺翁婦挺身出救盜舍翁掠婦去欲污之
氏大罵求速死忱之以刃罵愈厲榜掠幾死終不能奪又以其
婦女伴之漸導以飲食氏乘隙逸出為芻兒所紿失徑投大澤
中賊迹至負以歸叱其黨以巨槌擊之至死罵不絕口

王氏繼凱養女閻松友妻性貞靜事翁姑孝夫故氏年二十五遺
子四歲女數月氏艱苦撫育子建勳稍長延師課讀童子試
藉藉有聲旋以疾歿氏痛極自經死

胡氏李金盤妻性賢淑言笑不苟年十七于歸家貧甚事翁姑相
夫子孝順無違越四載夫故矢志守節父母憐其幼欲嫁之氏
不從母族衆強氏歸甯翁姑不許爭鬧聲聞鄉里氏遂自縊死
郭氏宏貴女張好禮妻年十九于歸期年夫被惡鄰盜殺翁訴於
縣不得直控府控省仍不得伸以憂鬱卒氏計窮飲毒死遺弱

女僅三齡

劉氏吳成墜妻有惡族樹聚欲強污之氏不從罵甚厲樹聚恐事洩刃殺之鄰族皆知其事夫懦免不能伸良可恨也

陳氏文煥女盛祥妻幼失怙恃童養夫家翁姑早世合卷後未及一年盛祥病故氏苦節自守族無賴子積賭債欲賣氏以償嫁有日矣氏偵知之服毒死

張氏舉人樹錕女夏肆三妻咸豐庚申之變家人俱逃避氏獨哭泣不肯去賊大至恐受辱自經死夫弟庠生獻三以季子啟坤承氏夫肆三嗣同治初旌如例

陳氏王安仁妻結縡一載夫故咸豐庚申隨姑逃難遇賊逼從氏曰爾送吾姑出吾從汝賊如其言使人監氏賊還日已夕解刀挂壁氏給賊笑取觀之遂用自刎賊怒甚肢解之村人被擄者

言之綦詳

王氏東振女李振疆妻年十九于歸六載夫故子名妮子姑老子幼仰事俯育艱苦備嘗咸豐庚申之變村人掘洞為避難計氏偕姑及子與焉賊偵知之焚其洞而去又有李狼頭女適鄭氏者其母與姪及其子婦孫女同日被匪焚死

王氏胡羣賢妻有姿色咸豐開皖匪掠境欲劫與俱去氏大罵不從賊怒鬻殺之至死罵不絕口

田氏澍雨女牛童妻年十九于歸五載夫故欲身殉家人防之謹投纆再三皆以救免卒吞洋煙死

朱氏廩生華躬女馬振森妻性貞靜于歸期年夫故無出矢志殉夫不使葬家人苦勸乃止葬畢不食死

劉氏夏應會副室年十七于歸執禮甚恭夫病奉湯藥衣不解帶

歿後營辦喪葬畢遂服毒死

陳氏曹嘉許妻年十七于歸七載夫故立志苦守夫兄欲奪其志氏不從常以兵刃自衛氣鬱成疾踰年卒

田氏劉官妻咸豐庚申皖匪擾項氏抱歲餘女孫投井死

潘氏白立柱妻某氏李大成妻王氏李東魯妻向氏李全套妻龔氏李東林妻范氏李應秋妻龔氏李應澤妻楊氏李東發妻楊氏夏振坤妻李氏郭琮妻某氏張狗饒母王氏謝萬章妻樊氏高海晏妻閻氏張柏妻高氏范長興妻李氏張文科妻俱咸同間遇匪被害又有馬氏夏湘母與湘妻楊氏同遇害李氏閻松貞妻夫婦同日遇害又有劉氏張淑慎妻遇匪投井死

周氏童從雲繼配性賢孝光緒二十一年春項飢從雲與匪為緣繫獄罪不至死氏賣地得錢十數十付兄贖從雲罪兄得錢自

肥從雲竟死於獄氏聞痛絕又聞兄將賣己遂吞洋煙死時六月初八日也

孔氏淮甯人即用知縣高積政側室積政赴江蘇候補氏以正室張病留侍疾光緒戊戌冬積政歿於差次訃信道梗次年正月旅櫬突至氏痛絕復甦竊吞正室質金指搔不死翼日家人獲指搔於廁詢得其狀俾老嫗伴之久若忘懷者至二月初二日夜竟自縊嫗驚起救已無及矣視靈帷香煙尚未燼也旌如例

李氏可方女符委妻年二十三夫故無子族無賴某逼令改適氏懼歸訴於父父不能庇遂仰藥死光緒二十八年七月也鄉人哀之醮金立碑表曰貞烈可風

魯氏明玉女王方妻貌甚醜年二十三于歸夫宜之無憎嫌意越

六載夫故翁逼令改適遂自縊死光緒二十八年九月十二日也

于氏楚瑞雲妻幼孤事母孝年十九于歸二十八夫故無子姑歿翁老且家貧竭力奉養夫弟露欲奪其志氏知之恐一旦為所迫常攜洋煙自隨旋又將田招佃與翁移居母家值麥秋隨翁歸視穫會河水暴漲不及返母家露又謀嫁之已得錢五千矣氏聞即欲逃歸母家強繫維之氏遂乘閒吞洋煙死時光緒二十九年閏五月十六日也邑拔貢劉斌廩生于建章等呈請旌表

鄺氏為義女饒連甲子景平妻克執婦道夫故無子氏哭死者數既葬仍不食祖姑及姑密防之且命往母家以寬其悲午往夕歸若稍寬然夜與祖姑同眠祖姑稍困頓及醒數呼不應燭之

已懸染死去夫獲七日

周氏江蘇人山東遼袁世凱副室車輛以難世敵率其屢棄死皆以救免嫡室百般勸請弗聽食靈觀故里竟自殉於柩側
宣統元年十一月十六日也

歐陽氏淑樞仲女適汝陽監丞劉資山遼亂匪之變避弗及股井中水淺不死賊欲出之伏罵不絕口遂獲害光緒辛酉鮑訥刑部主事繡之為請旌入汝陽節孝祠

女下也
外也

蔣氏董臣女適沈邱劉士瑞年十九于歸得堂上歡數載夫故歿殉因有娠未果生男未幾孀氏痛哭曰番之所以累死者為此子也子死矣吾何生為因拜跪如氏託以養姑歸與母訣遂自縊死沈邱舉人李鐘約同志刊石墓前為文以紀之

鄒氏祖熙女適沈邱鄭樹棟年十九于歸克執婦道越三載夫故

氏撫屍號泣誓以身殉姑亦以傷乎故病危甚氏勉侍湯藥晡夕無怠在姑前時作慰解語越旬日姑病愈氏遂自經光緒二十九年春邑紳李振恆等以其事由學申請縣 邑曾公禱建坊沈邱舉人李卓瀛為文刊石墓前

高氏位中女適淮甯庠生沈鏡鏡卒氏不食死

劉氏士章女適淮甯張立中為繼配年五十于歸二載夫病奉湯藥數月幾廢寢食及殯親視含殮畢獨私窆盤夜履於津煙死里人哀之為立碑墓前 旌如例

李氏天喜女適沈邱李奪年二十一喪姑喪葬畢乘夜自縊死
張氏適沈邱趙騷虎夫故不食七日死

孝女

國朝

賈女孫能忍妻父聚山病女奉湯藥日夜不離側病益甚服藥不效女割股療之父病遂愈

田女春芸姪孫女幼承家教讀孝經孫女傳長適任恪執婦道母患病每焚香祝天願減己壽以益母母疾愈復蘇時時截指入藥母飲之病立瘥

王順姐性純孝父中行違異疾女衣不解帶湯藥親嘗癰腫瘰癧入廚下截指入藥以進父飲之翼日遂痊

田女父歲貢生儒珍無子納妾生女二孝翁其次也生有至性儒珍有姪名元欲圖繼女母以其無行執不從元潛引賊啖以利欲殺母夜踰垣入勢洶洶女以身庇母身被數創母得全囑請官元挾家逃去踰月女以刺卒

高謎姐秉實女庠生黃堯升妻幼孤母屢愛之習內則精修經史

與族人有隙族人賄盜夜入室殺之女與弟匿牀下賊覓之不獲女誓為母報警偕弟與舅氏將族某兇手人等控縣不得直又控府仍不得直赴省控諸大吏往返經年務期罪人斯得而後已初女欲上訴時以己年少有姿色道途跋涉恐有意外乃被髮垢面以自晦其深思遠慮如此

馬女玉蓮父敬宗病劇服藥罔效女念母老弟幼家世寒微每焚香籲天願以身代仍不愈遂入廚截左手小指雜雞肉以進父食之病立愈

彭女父敬信患癱症一弟松秀尚幼女堅不字左右病榻十餘年如一日父卒侍母益不忍離側閉處深閨精勤女紅母甚愛之北宮嬰兒子之流歟

王粉姐連女母管氏病危日夜泣禱祈以身代不愈截指寸許入

藥母飲之病立痊

丁女玉含字韞卿父華封庠生母王氏生子一女三貞女居次性至孝九齡父故越歲祖母傅氏亦棄養弟亡姊夭僅遺母女三人家且窘幾難自存及妹適人女侍母依外家從舅氏王運生讀每講授古賢孝貞節事輒起敬竊識不忘嘗悲母孤苦無依誓終身事母不嫁稍長志益堅作法古吟以自見因寇亂移城居終日閉戶鍼黹暇手書一卷呶唔母側母顧而樂之若忘無子之苦焉不幸先母卒未竟終養之志著有韞卿詩藁

王女淮甯人父玉鐘病女潛封股和藥以進父病遂愈後適邑人王金山為妻

張女父雪堂無子生女四孝女其三也生有至性年十四父病不食亦不食毀形銷骨顏色慘淡焚香籲天祈以身代終不愈截

指和藥以進父飲之病立愈

袁氏保中女王慶霖妻繼母劉氏有疾女奉侍湯藥不假手臧獲病危甚乃剖己肉和藥以進母飲之病立愈事聞以孝女旌其門

李氏清和女奉天游擊高振善妻母病醫藥罔效剖己肉和藥以進母飲之立愈

王女父金三武庠生無子二女長年二十適高氏女方髫髻憫然謂父母曰吾姊妹皆適人誰事雙親乎遂矢志終身奉養金三於光緒二十三年卒越三年母亦卒學政王奏准建坊太守端以貞孝冰雪旌其門

貞女

國朝

袁讓姐江南道袁公保慶女幼字武陟毛公昶熙之姪某生有至性父病女日夜侍疾湯藥親嘗幾廢寢食病劇女潛截指入藥療之父病立起未于歸而毛卒女聞訃痛絕毀妝歸謁舅姑縞素哭拜夫墓返居母家守志全貞

徐女幼字朱斜年十九斜病故女聞訃自歸夫家素服盡哀矢志守貞夫家貧紡績供養卒年五十餘知縣王世昌以堅貞勵俗旌其門

韓女沈邱人幼字王體道子燦錦童養夫家未合卷夫故家貧父母欲嫁之曰兒未合婚非王氏婦也女泣曰兒已入王氏門誰謂非王氏婦乎遽起自笄肅拜翁姑已乃除簪珥著孝服撫棺痛哭父母知不可奪乃止事翁姑孝越二十餘年卒

邢女周東乾聘室幼貞靜姑病欲見婦招之至家居三載東乾卒

女年十四哭幾絕翁姑慰遣之執不可父母不忍奪女志命以婦禮送葬服衰三年勸翁妯娌妾生子二秉鈞再璋翁姑相繼歿賴氏撫養稍長延師課讀五璋後列膠庠事闈

表

孔女王某妻童養夫家未合卷而夫歿氏年十七守貞不渝事翁姑孝翁姑歿竭力營葬以夫姪興為嗣卒年七十三

于靜姐咸和女幼字張淑禮未婚淑禮病故女聞之泣曰命也奔赴墓前哭泣成禮斬衰三年服闋歸母家閉戶勤紡績自咽糶糠積財以養其姑餘資捐黃廟義塾五十金本村設義塾脩脯皆自任之修保節堂以寓苦節之貧而無歸者事闈

表

烈女

明

王女凍清父軒正德六年流賊入城掠女欲犯之女怒罵不從見

殺事聞旌表有坊碣今圯

高女父儒次女幼許字王太樂太樂病卒女年十五訃至哀痛水漿不入口者數日誓以死報王後旬日有巨姓求婚父母將許之女曰既聘生風適馬天燕若乎取王聘時敝衣傭服自縊死時方炎暑越日殮其顏如生事聞於朝勅賜坊表曰貞女之門入節孝祠

國朝

劉福姐沈邱劉廷儀女幼字王村王某子將及笄王子廢疾卧牀不起女聞欲往侍疾父不許女哭之痛伯父岐山聞之往問故女泣訴欲死伯父勸從其志擇日子歸殷勤奉事晝夜不怠數月夫故既葬整衣自縊死康熙五十三年九月初二日也補

申女父天增母偶外出有土棍乘間欲污之女喊罵鄰婦救免吹

日赴棍家求死不得忿投井死事聞奉

旨建坊旌表

劉女幼字關培瑛培瑛以疾歿女聞訃恐傷父母意嘗勸如常夜更素服佩服儀從容自縊死其翁炤從其志高谷葬事雖知縣韓袞以舍生取義知縣張為旦奉撫憲諭給匾旌之後題請奉

旨建坊於外河

以上舊志

田山姑廩生華遠女幼明文訓識大義年十八字商水李紹朱未嫁而紹朱歿女聞命涕於邑自縊死事聞奉旨建坊知縣

劉臨祭訓導陳作斷句八章以哀之

劉秀姐文元女幼字淑陽史嘉與為族女知之飲藥死

張平姐萬祥女性閨雅有志操慧族某潛入其室穢汚之峻推罵不絕口羞忿自縊死

張勉姐幼字沈靜童童華結縞有期重華家遭凶祿獲死女聞訃

自經夫家迎其權輿重華合葬沈邱謝身以貞烈變風旌祀
宋本幼字玉錫經錫經性聰敏甫授書即嗜讀不倦父母鍾愛之
年十四應童子試列前茅知縣器重也未幾病歿女聞訃登樓
儼聘儀自經死翁姑嘉其義請命葬焉後以孝孀遂奉其嗣惜
來請旌

秦瑩姐父執中家貧隨父佃於外強暴辱播之女峻拒太罵自縊
死

牛璞姐多見女幼字賢瑞祥攻子同心未婚而夫女聞訃吞洋煙
死年十五

劉蓮姐長友女其姊倩玉斗聞女父母他出徑入室欲污之女大
聲喊罵鄰婦奔赴玉蓮去女自經父母以親故來鳴官女竟命
寃地下

郭粉姐父太和成豐庚申三月亮匪由槐店逼項女適往戚家未歸聞風逃難至黃灣村賊騎馳至擄女止焉殺於地者數人犯者指賊大罵脅以威不屈攢牙刺之至死罵不絕口賊去村人收尸葬於泥河南岸石橋西一里許

楊女相傳婁隄店人成豐庚申亮匪竄頤女逃難至劉路口為賊擄使為炊不從竊逃投水中水淺不得死賊尋至怒殺之越數日旅人獲其尸瘞於官道左義地中今其墓已不可識矣

趙三妮與仁帥年十三值皖匪亂避難白楊樹寨寨破居家離散賊擄女獻污之罵不絕口賊刺之去獲甦赴水死

師查城東南廿三里蔣莊人成豐庚申避難白楊樹寨寨破賊執查歡活之查罵不絕口賊以刃脅之罵愈厲賊怒殺之又時席珍妻姓趙亦歲同蘭遇匪被害

牛女韓玉慶聘室童養夫家值兵燹家人皆居寨中女獨與姑家
居遺姑外出有惡疾強污之女羞憤求死欲喚玉慶歸白其事
玉慶以未合卷故羞澀不肯歸女遂自經姑隱忍之竟竟未白
李女蘇玉瓚聘室中表親也瓚以縣試第一入庠旋以勤讀致疾
危其女往視瓚云我病至此汝來何為一痛而絕汝遂不歸矣
志守貞奉孀姑彌謹竟以痛致殞姑亦自經死


楊女父好家極貧幼字蕭姓童養夫家未全卷蕭子歿翁姑哭之
痛女勸曰願侍二老以終矣過痛為翁姑曰肯累汝哉女執意
甚堅族有無賴子勸其改適不從率黨持刀碎門欲篡之去女
聞自經死邑人王詵桂為作蕭貞烈傳

史女城隍黨莊人父與楊某莫逆交每聚設兩室史率楊私更妻
且並遊於女女惡其行楊至輒避入他室見亦不稍假辭也

日楊與史妻圍燈笑語求女燒煙不從史妻強之女怒碎其燈
史妻忿批女頰女痛哭楊昵語勸之女大罵不止楊懼而去女
憤極吞煙死

劉層姐錫符女年十八與母居暗室兄某夜不謹於火及覺烈焰
滿室女推母出己身無衣竟不出而死邑人多為辭以哀之

王翠姐明月女幼字沈邱張東鳳子運朝運朝病故家人戒勿使
女知越月女適外家有密道其事者女微聞促姊俱歸違次謂
姊曰吾命薄不如死自是惘惘若有失家人密防之一日自營
衣履若忘懷者防稍懈母夜聞鞦聲促澀異常驚起燭之已飲
藥將絕竟不救時光緒三十三年九月初二日也禮部員外郎
屠爾敏為請 旌表



列女志補遺

陳氏師心秦妻年三十餘生一子二女夫故子名其樂方七歲氏事重閨均得其歡心及歿喪葬盡禮勤儉持家教子歲立和縣劉賜德壽同登匾額

劉氏王萃一妻子歸七載姑歿遺幼女氏恩愛備至未幾翁與太姑繼逝內事皆氏經理夫又早歿氏年三十三遺孤俊傑方數歲夫姪俊彥亦幼失怙恃孤兒寡婦零丁萬狀氏恩勤撫養俾皆成立持家勤儉拓地二百餘畝孫曾繞膝人謂賢孝之報云

以上
賢母

張氏培直第四女夏相祿妻性婉淑寡書笑知禮義善事舅姑初予歸家甚貧與姑樊氏克勤克儉日用漸裕居心公恕不事私積處親族鄉鄰無不和睦好惜老憐貧待子孫婦女輩恩意浹

洽不事呵責壽八十餘子有祥娶崔氏性和順亦有婦德

鄧氏高薦峯妻事翁姑怡顏悅色得其歡心遇貧乏不給者必賙

恤之一子二孫皆循循守禮遵氏教也

汪氏王正基繼配生二女前子昭臨七歲氏愛如己出及授室待

婦如女遠近稱賢

劉氏監生戚松亭妻明大義生二女無子勸夫速納三妾皆結以

恩夫故妾李氏遺腹生男舒坦方數歲李亦逝氏撫舒坦如己

出尤好恤貧光緒初大饑有襄縣流民某餓幾死將鬻其妻契

已立氏聞留作傭夫婦得不離散鄉里義之

以上賢婦

韓氏沈民貧家女幼字王體道子燦錦童養夫家未笄燦錦死家

赤貧母憐其少曰兒未合婚非王氏婦盍改適氏泣曰兒已入

王門即王家人矣受苦分也遽起自笄拜翁姑已乃除簪珥著

孝服扶棺慟哭父母亦無如何事翁姑以孝聞越二十餘年卒

惜未旌且乏承嗣人

按節婦已列光緒三年採訪
姓氏稿今據王氏家譜補錄

胡氏經女衛協和妻年十六于歸二十七夫故越四月生子名留

根教之成立

王氏趙壽妻年十七于歸二十二夫故遺一子氏孝事翁姑教子

成立

喻氏志方女朱英妻年十九于歸二十八夫故無子女事重闈克

孝有惡族欲奪其志氏誓死不從

邵氏歲貢芳蘭女馬式訓妻生子女各一夫故氏年二十八家貧

如洗寄子女於母家以十指傭工度日及稍能自給即令子佃

田為業雖艱苦備嘗而不變其節

王氏太和女呂萬慶妻年二十于歸二載夫故無子女氏孝事翁

姑節操歷久不變

王氏張芳妻年二十夫故守節事翁姑孝教子秋鵠成立

任氏李大戴妻年二十夫故守節不渝

以上
節婦

項城縣志卷三十一

雜事志

祥異

晉

懷帝永嘉元年魏豫州刺史賈逵石碑生金可採五月汲桑作亂羣盜颺起

二年冬桑樹有聲如解木人謂之桑樹哭按劉向說苑桑者喪也又為哭聲不祥之甚是時京師虛弱羣盜交侵東海王越有陷國之心四年冬季南出五年春薨於此城石勒邀其眾圍而射之王公以下至眾庶死者十餘萬人又剖越棺焚其屍是敗也中原無所請命洛京亦尋覆沒桑哭之應也

以上晉書五行志

宋

項城縣志

卷三十一

雜事志

一

太平興國十年黃河決滎澤南徙奪汴水南注沙河至縣境

景德二年南頓縣民任登老妻產三男

治平元年九月水災

以上二條據宋史五行志補

元

大德五年八月蝗

延祐三年十月壬午地震

以上據元史五行志補

明

洪武二十四年黃河決原武縣黑洋山下東南至縣境合潁下入

於淮

三十一年黃河南徙舊城圯於水民廬衝沒殆盡知縣彭仲恭徙

建城東

永樂六年黃河汎漲知縣彭仲恭憫民罹河患乞分鄰境汝陽地

居之

十年夏六月民饑

據府志補

十三年饑

宣德三年八月黃河溢由陳至項淹沒城郭民廬殆盡改遷今治

正統五年夏蝗民饑

六年秋蝗

七年五月蝗

九年黃河決滎陽逕陳州境由項城入淮弘治中北徙故河遂涸

據一統志補

十三年黃河決滎澤東南至縣出境入淮

舊志作決滎陽通志作十二年此據明史

天順四年夏大水

成化元年秋七月民饑八月大水

二年秋七月大水

三年蝗傷稼

上三條
冠府志

二十年饑

弘治元年秋大水

三年大水

四年大有年

七年春水災

八年春旱

正德三年春旱秋蝗

六年大疫

十年水

以上九條
據府志補

嘉靖三年春正月黑風晝晦六月旱秋大水是年大疫

府志

八月癸

卯地震聲如雷

四年秋七月大水

六年旱

七年夏五月大旱民饑

八年蝗民饑

十一年六月旱

以上五條據府志補

十二年冬十月辛巳星隕如雨

舊志十三年據府志改正

十六年六月城西池內產瑞蓮一莖雙萼

二十一年春二月張偉家牛產犢二首

二十三年正月十四日雨冰野禽羽凍民競取之

舊志二十四年河決原武通志

無刪

四十二年五月槐坊店怪風陡起拔大木傾房舍民被壓死者甚

衆

四十五年春甘露降於典史孫思聰宅內槐樹未幾聰卒於官
萬曆五年彗星晝見

九年大雨城週圍傾頽

十一年五月鄉民張耀妻吳氏一產三子知縣白一言給穀二石
養之後俱成丈夫

十五年三月壬辰地震者三

二十一年四月初靈雨至於八月四野瀰漫舟筏遍地二麥漂沒
秋種不得播民間室廬衝圯米珠薪桂比戶嗷嗷始食魚鰕繼
剔樹皮抉草根後復同類相殘道殣無完膚屍骸枕藉白骨累
纍誠為罕見之災巡撫張元巡按李時華奏請內帑金九百兩
賑卹守道蕭良翰巡道賈希彝太守劉如寵俱悉心撫字民獲

少蘇逃徙者復業焉

二十二年正月初三日學宮前池水忽赤如脂越八日始如故是歲邑人馬文炆舉於鄉項自隆慶元年丁卯科闕廷梓登鄉榜至是幾三十年文炆始繼之咸以為水赤其先兆云

二十三年夏五月靈雨城傾幾半七月大旱知縣王欽誥依春秋繁露置竹龍於西壇虔禱五日得雨如注

二十四年二月知府劉如寵濶縣民飢請院道發銀八百兩賑濟六月城西北濠內產瑞蓮一莖雙萼八月靈著叢生於縣東部家堂狀與太昊陵產者無殊黎明土人見有異雲籠其上

二十六年大饑三月知縣王欽誥因民疫捐金五百兩買藥委醫官徐論療治活貧民劉志強等七百二十餘名

二十七年十月知縣王欽誥見貧民地荒甚多捐俸買牛給張九

思孟銓秦去騶韓甲哲鄭光燦等共開墾荒地二百零二頃五十一畝又見有流民逃亡死者皆捐俸備棺給葬

二十八年六月雨冰雹傷木

三十二年凜雨傷麥禾

三十六年本縣連遭水患民多轉徙他鄉知縣楊新期設法買牛又奉撫院諭買牛隻分給貧民輪流開墾共開墾明義等鄉荒地三十頃招回逃民張思義等九十餘家

四十四年彗星見大旱自五月至七月初二日始雨

四十五年七月飛蝗蔽天自東北來其聲如雨落地輒生子入土數寸出而為蝻食黍穀殆盡蔓延數里踰城升屋人家幃幙盡窳甕罌無處無之尤善噬人衣數日其害始息

天啟二年春雨冰

六年十月旱蝗

崇禎四年夏四月太白經天

五年夏五月霖雨至於八月河溢傾房舍民饑

九年大疫麥枯於地無人收穫

十年蝗

十一年蝗

十二年春大旱蝗

十三年大饑人相食冬大雪

十四年春大疫至秋方止九月有大星隕是月總制傅宗龍勦賊

至境被執不屈遇害

十六年二月二十八日黑風自東北起狂吼怒號白晝晦冥

國朝

順治三年正月雨雪震電某月大風飛沙走石大木斯拔鄭郭集
房舍千餘間盡被損壞片瓦無存惟榻寡婦草房尚開無恙補
八年春地震秋大水木盡沒

九年二月十五日地震

十年夏雨雹災菽

十三年閏甫妻王氏一乳四子

十五年沙河決夏大水秋復大水有全村盡被衝沒者是年麥不能布種十一月桃李華鴉復乳

十六年正月初六日午時天晴無雲忽聞雷鳴四月麥將熟大霖雨自夏徂秋平地水深數尺麥秋澆爛廬舍漂沒

康熙元年五月霖雨至於秋九月沙河決西華葫蘆灣商水楊家灣平地水深丈餘民間廬舍漂沒幾盡無麥禾八月三十日午

刻地震如雷鳴震倒城垣二百餘丈民房數百間

二年大旱

三年大有年

六年秋大旱飛蝗蔽天無禾

七年六月太白晝見十七日戌時地震

八年秋大雨沙河復決楊家灣平地水深數尺城北一望無際禾

傷殆盡

按商水志沙河
洪在七年秋

十年大有年

十一年大水夏學宮前庠生張同德池內產瑞蓮一莖雙蒂是秋

邑人王耿言馬鳴鑿舉於鄉

十二年大水

十三年春饑

十五年大水

十六年大饑民間鬻子女者十之六七

十七年春霖雨浹旬二麥黑瘠夏旱秋陰雨連縣苗多秀而不實
知縣周起龍申報於次年二月奉 旨差戶部左侍郎善燾
勘至項出倉穀一千七百七十三石賑之

十八年夏秋閒大疫分守大梁道參議杜洩發銀二十兩置藥材
命本縣醫生涂獻璞製劑診治歲大旱知縣周起龍申報奉
旨蠲免糧銀二千五百二十一兩八錢二分二釐九毫

十九年大有年

二十年十二月十八日夜雷電大作雨雪連縣百餘日歲大饑

二十二年七月陰雨連縣遍地水深數尺知縣顧芳宗詳報次年
四月 欽差戶部郎中吳賑濟共賑過米一百六十七石七

平折銀一百六十七兩七錢

二十三年正月初七日大風晝晦雷聲震耳夏城內虹河產瑞蓮一莖雙萼是秋邑人間濬舉於鄉閭潮中副乘第一蓋其應也

二十四年縣北劉鐵冢麥秀兩歧黍穀雙穗縣西孫灣店庠生張中德地內有一本九穗者是歲鄰邑多被水災項邑獨免

二十五年大有年

二十六年夏飛蝗入境知縣顧芳宗率士民步禱旋消散秋禾無恙

二十九年自夏徂秋牛災異常冬猶然

三十年秋飛蝗遍野知縣顧芳宗率士民虔禱驅捕蝗不為災

三十二年黃霧四塞蔽天日

四十二年夏大雨十晝夜民居田禾多被淹沒

四十三年春大饑

四十四年大有年

四十八年大水

四十九年春大饑四月民多疫

五十年大有年

五十六年春三月天鼓鳴

五十九年大有年

六十一年大有年

雍正三年大熟

六年大熟

七年大熟

乾隆二年大有年

三年大有年

四年大水漂沒田禾甚衆各憲飭發蕎麥種併倉穀委員賑濟奏報奉旨查勘分別緩免征糧有差

五年大有年

七年大水事聞 欽差至項查勘緩征

八年春大饑民多鬻子女者奉憲文安插飭令回贖不致離散麥秋豐登

九年大有年糧價賤至每斗銀四五分夏六月生員于聯珠池內產瑞蓮一莖雙萼紅白二色是歲邑人趙金銘范德正舉於鄉秋飛蝗近境知縣趙德宏致祭虔禱不至境內

十一年大水

以上舊志

二十四年七月飛蝗遍野知縣梁作文禱於神蝗不為害未幾蝻

生公督吏役鄉民捕滅殆盡

二十六年黃河決灌入沙河南岸崩由潁歧口直入澗河澎湃而南人心惶恐知縣梁作文率民於澗河南岸星夜築隄賴以保全者數萬家

四十七年黃河決楊橋口由朱仙鎮西華至周家口穿潁直趨澗河平地水深數尺

五十一年大饑人相食

嘉慶十八年大饑春夏亢旱六月始雨多種蕎麥八月隕霜民間取蕎麥花食之又多染疫

道光十一年四月初八日大雨雹有大如雞卵者深至尺許自白塔寺至南頓十數里內二麥被損殆盡

十六年六月飛蝗蔽野早禾傷七月蝻生食晚禾殆盡

十七年春大饑人相食

二十一年七月黃河決開封入潁水自張灣漫溢城東北被水災
逃亡者衆歲大饑

二十三年自四月下旬雨至於八月五月二十日夕有黑氣東西
長竟天黃河決入潁水自苑寨衝口南至澗河關十五里深至
五六尺十月庠生解東先率衆築決口立碑紀事是年冬薪米
昂貴民不聊生

咸豐元年虹見北方七月二十六日午時雷雨大作平地水深數
尺

四年大熟

五年正月桃李華

六年大旱蝗

七年七月蝗食禾殆盡惟菜豆成熟

十一年五月彗星出西北口大如拳尾射東南長竟天

同治元年城隍神像及泥馬汗流如洗是年土匪蠶起

二年蝗食麥大疫死者無算

三年正月初八日大雨雪有雷聲平地水深三尺許麥死十之二

三

四年正月十三日迅雷大雪如土色

五年五月朔日月合璧五星連珠境內捻匪一律肅清

按南陽志八月朔日

疑存

九年六月大燠人多渴死十二月十七日雨黑子如扁豆大

十一年七月十五日月華

十二年五月朔日食既晝暝恆星見冬十一月陰雲密澍寒氣栗

列至次年清明猶如嚴冬未嘗開霽

十三年夏旱七月靈雨八月十六日洪河水溢為災邑南平地深數尺許

光緒元年五月初五日雨雹大者如碗深尺餘碎木殺禾人畜被擊有死者

三年二月初六日黑風從西北起屋瓦皆震六月蝗食禾幾遍

四年春大饑斗米千錢西北一帶逃亡鬻婦女者無數五月大疫六月大水

五年麥大熟七月十五日月華

六年二月初六日戌刻空中有火光如火如斗流入西南人畜多災槐店有鳥巢長九尺九節是歲邑人馬廷襄登武進士榜官侍衛五月十二日地震水湧數尺屋瓦震動秋冬旱麥種者十分

之三

七年二月初六日雨雪有雷聲春早麥歉收秋禾大熟

八年蓮溪書院產瑞蓮一莖雙萼是年邑人鄧錫綸郭書堂舉於鄉五月彗星見七月初二日無雲而雨

九年二月二十二日戌時空中有火光如斗四月廿二廿五廿六日三次雨雹大如碗屋瓦皆震八月彗星見十一月彗星在天河側戌初出十二月烏巢蛙鳴

十年夏大水淹沒田禾無算十月二十二二十三日星移如織有光芒數尺者十一月彗星見

十一年春大雨麥生紅蟲如綫畝收僅數升歲大饑三月二十八日日生六環闇淡無光五月十四日白氣見西方長竟天十二月二十五日日戴三冠

十二年夏淫雨兩月泥河兩岸平地水深有丈餘者五月二十日有黑氣長竟天

十三年八月黃河決鄭州槐店東北數十村被水冬旱平病瘵死者無算

十四年霖雨麥復生紅蟲秋大雨泥河兩岸平地水深數尺十五年正月朔有白氣三亙天中蝗蝻生知縣武育元督吏民捕之不為災

十七年冬桃華烏乳

十九年夏秋大雨泥河決平地行舟

二十年大雨麥被淹沒者無算夏汾水漲泥河再決洪淮泛溢

二十一年自五月至七月雨不止秋大疫九月十五日雨雪冬蟲食麥根城北為甚

二十二年大水

二十三年三月初五日神像及鎗礮老場皆折流夏民取靈丹
三日地震冬渴陽民變

二十四年春雨冰太饑邑貧民糾黨借糧各集鎮罷市中丞劉委
員齋銀六千兩和春施藥局募銀四百兩明道書院院長湘潭
黃恕軒邑舉人楊凌閣舉人鄧錫綸主事張鎮芳各捐銀五十
兩賑濟大疫死者無算

二十五年秋冬有黃雲搏月垂下如槍狀十月初八晨紅風自
西北來天日無色

二十六年正月十六日日中有黑子夏旱穀枯死六月二十
日蝗食田禾殆盡七月焚感入南斗

六日月華

兩宮西狩八月十

二十七年正月十九日大風霾二月十四日黑紅黃三色風竟日
晝晦壞屋無算二十二日夜白氣長竟天六月二十日大風雨
大木盡拔文廟柏樹拔去三十餘株壞屋舍無算十二月二十
八日夜有火光南流如晝天鼓鳴

二十八年正月朔至初五日日出高大餘有二日環繞已刻始沒
六月二十一日地震十月十六日午後有聲如雷紅光下墜平
鄉店寨濠內出視之石也淡青色有金星

三十二年四月十八日雨雹

三十三年正月十六日辰刻無雲而雪七月彗星見

三十四年四月二十六日雨雹六月熒惑入南斗十月初五日
夜紅光四射

宣統元年五月十三日暴雨如注十餘日平地水深數尺秋禾淹

七月十二日卯刻南方虹見秋陰雨連縣低地麥莖臘月始布種

二年春靈雨麥早禾俱歉收七月八月暴雨傾盆溝河泛漲淤泥兩岸晚禾盡被淹沒

三年春大饑泥河兩岸尤甚共放倉穀一千九百五十一石五斗二升邑人直隸總督張鎮芳捐銀七百兩賑濟六月七月太白經天熒惑入南斗

兵變

唐

建中四年李希烈分兵寇項縣知縣李侃募勇守禦會賊帥中流矢死賊解圍去

明

正德六年劉瑾餘黨劉六趙鋌等攻劫項城城陷指揮同知景端死之邑人袁良貴同時死難

嘉靖三十二年流賊師尚詔逼城訓導宋世相率衆力守舊志誤作三十

六年據明史改正

崇禎十二年有流寇三百餘人夜以雲梯踰城焚劫黎晨始出傷人百餘擄去男婦百餘口焚燒百餘家財物一空

十四年春流寇千餘人乘夜踰城知縣張應弘率守備黃士英鼓勇擒殺賊遁城獲全九月總制傅宗龍勦賊至城南火燒店連戰被執賊挾公賺城公令門者勿啟遂遇害十一月城陷

附明末流賊紀畧

明末流賊徧中原官軍不能撲滅故所在土匪蜂起崇禎十三年仍歲饑饉人相食十四年陝督傅宗龍勦賊遇害十七年逆

關設偽節度使建牙汝甯改項為州隸焉設偽州牧趙某尉陶某擅作威福民情益渙各立寨自衛狡悍者互相攻殺邑西北五十里張鵬振號長腿一號魔王與其姪壑子尤凶悍異常殺掠刦搶殆無虛日一踞南頓西寨一踞水寨上關相為犄角有李世卿者聚族屯於槐坊之李家寨與鵬振有隙鵬振與其姪壑子率眾數千攻李家寨世卿一門殲焉門客范麻子郭玉修因眾寡不敵偽降乘間殺鵬振妻子靡有子遺曰今而後可以報故主矣壑子自水寨聞之率黨羽馳至殺范麻子玉修不知所終後壑子亦被焚死同時有逆回及百姓匪皆渠魁 國朝定鼎旋就撲滅

國朝

咸豐三年劉結搭節小興諸人勾結沈邱劉天駟劉天喜等謀反

至鄭郭集水寨逼借錢文鄉勇堵殺斃匪數十名天駟等攻沈邱不克遂東依張落刑擾亂徐頴等處

七年十二月王廷楨李士朝以白蓮教匪倡亂城南鄉民爭應之八年正月初旬城南教匪猖獗日夜焚燒人聚日衆十八日知縣彭公旭請知府安公奎至討之不勝新興集營汎麻金銘死之鄉勇死者數十人二月初八日巡撫自汝甯來會討匪大敗官軍乘勝肆殺男婦死者數萬人直搗其穴焚之新興集縣丞黃以清悉追滅之冬十月皖匪過沙河北岸十一月匪過槐店鎮焚掠而去去後官兵刦掠尤慘

九年二月二十五日皖匪渡沙河南由連橋坡南頓東歸官軍追敗之屍橫遍野十月十八日皖匪大股攻鄭郭集不克

十年三月十九日皖匪孫葵心突至衆數十萬焚殺甚慘逼近城

垣二十日南走二十一日後隊僅離城七八里太平鄉團剿之不勝死者數百人二十二日賊始悉走

十一年二月汝陽陳大喜劉興新蔡徐四萬銅陽馬炳等匪並起破寨攻城五月巡撫鄭命劉游擊率兵五百至六月巡撫營務處李率師三千至張總兵耀亦率師自汝至八月銅陽匪首馬炳破王進士橋寨知縣恆合劉游擊之師與鄉團討之不能勝數日賊棄寨走協從益衆劉游擊分兵守城擒匪無日不近城焚掠且不時破寨至十一月兵始去

同治元年正月李游擊帶步勇來與三哨官張用內應外合計破縣東南魏四寨銅陽匪東竄鄉團迎擊之不勝賊攻曹窩寨總兵吉成功督師解圍遇伏死城南諸寨被匪相繼攻破李如淞李如海吳瑞亭衛廷顯韓秀等羣起應之二月總兵張公自汝

來項命周尹二軍進兵討之自統馬隊與匪戰於蔡北不勝復回汝李游擊亦去四月城西南姜莊寨破邑人袁公保慶帶馬兵來時丹步隊亦在項土匪由城西繞過袁軍與丹合兵要擊之殺賊數千張總兵帶師自汝來夜攻城東南李家寨未破傷數十人六月勝宮保帶兵數萬人至帶銅礮數千斤賊大駭命營務處廖攻銅陽城未破數日歸槐店人心大失望袁公收復東南銅陽城諸寨賊首馬炳病死閏八月初八日兵與賊俱至城下賊走兵駐關是夜賊破曹樓寨據之離城十二里人心大駭日往來城垣焚掠城三面受敵城東鄉團進剿不勝舊家墳墓被掘殆盡二十二日邑紳高劄中夏耀榮曹庚五同往歸德請僧王兵未來賊破路閣莊寨九月土匪陳大喜數千人至城北十月皖匪自沙河南過連破數寨冬知縣恆與荒坡寨擒首

劉興通信勸以降劉答書亦願投順時賊已破大傅寨據之劉興旂長陳生聞興與知縣通信怒由大傅寨突至荒坡寨刺殺之興之族復殺陳生自是賊心不和互相尋釁

二年正月初二日賊突破城北八里骨頭冢寨十二日又破城西南十里曹窰寨於是將呂二營撥於李寨又偽王陳得才會張宗愚竄河南由項赴汴殺掠甚慘二月十四日奸民趙鳳因勾引陳劉李衛等匪突破城西北二十里尚店寨據之鄉團進攻賊出敵不能勝傷數百人北方震動十九日姜莊寨賊投順二十日路閭莊寨賊亦投順尚店反成孤立之勢張公率全軍攻之周圍鑿長溝挖地雷立礮臺日日攻之賊計窮願降張公佯許之四月初四日賊出張公悉殲之未漏一人而本地之土匪自此平矣八月陳得才張宗愚復過項裹脅者衆贖者索馬

價為昂

三年傅有智伏誅恆公說降衛廷顯劉青山等下二十餘寨項南

自此無賊蹤以上數年內有亂民傅胡開傅丑勾匪破大傅營

閻莊寨李萬章李萬年中閻滿開柱閻安閻義開西湖勾匪破

閻成馮秀朱來涇破白楊樹寨郭金孔廣喜張大理勾匪破

集寨匪甫入官軍至廣喜被誅麻金鐸麻芳蘭丁小樓韓伙

頭艾如泉李小曲霍大山張金斗黃占魁賣忠義豕寨

五年三月初八日擒首梁成富在確山縣為官兵所敗劉爵帥追

至南頓復大破之

異聞

國朝

沈邱縣庠生楊霖一日往水寨過鄭郭集會大風起就道側憇因

歎今日風大一老人扶杖在旁曰尚未若順治三年此處之風

大也因歷述其事方風未起時鄉人見一大旋風自南來至關

帝廟中而息俄又一旋風至恍聞有人呼曰何不救風旋風中若應曰勅旨未到俄又一旋風至恍大呼曰勅旨到矣廟內旋風忽出與在外者合而為一瞬息間天昏地暗飛沙走石大木斯拔聞空中有人呼曰切莫驚動媪寡婦村中房舍十餘間盡被風損壞惟媪寡婦四間草房依然無恙移時風息雨降雷電大作聞空中又呼曰拿住姚厚抽筋恍見紅衣大漢推倒姚厚不知如何而筋已抽不能言亦不能起如是七日而死楊霖因問媪寡婦之房何以獨存姚厚之筋何以獨抽老人曰媪氏壯年孕育之時有老姑牙齒俱落不能食穀媪氏以乳養之數年方歿想孝行之足以格天心也姚厚生平大斗小稱好佔便宜強取人財淫人婦女想惡行之足以觸天怒也

楊神仙栗營村人傳者忘其名字出遊數十年家無音耗一日族

人遇諸村外面貌光潤寒暄畢囑曰煩寄吾孫几上書勿高閣
置之族人方欲挽留轉瞬不見是日凌晨其幼孫在門前見一
叟冒雪來衣敝履穿蓬首垢面踽踽戶側俄見蜣螂飛墮其前
叟啖之口角流涎棄甲於地惡其不潔去之叟徑入家傭阻之
曰此吾家也汝何得爾傭素聞其異入白主人主人訝曰得非
吾祖乎急趨視之已不知所往正猜疑聞族人述其遇叱異者
久之視几上果有書一卷皆痘疹方也遠近傳喧以為楊神仙
云後其裔孫世精痘疹科活人無算有老可及久康者其尤著
也惜家遺回祿其書不傳於世

王二庚 國初人少駸癡多力有雲遊僧出重貲雇人肩衣鉢衆
競赴莫能舉因給二庚共憇憇焉試之輕若無物遂偕僧去久
不返及歸作釋家妝述老人世系歷歷不爽與之語三教之書

無不淹通族人允貞極博雅試以廿一史僻處應對如響有問
磁器破而未離俗呼若茶音者當作何字君口切久之曰興頭
著玉是也問還家何意曰視吾瑩中風脈能出世否耳遍歷族
黨旬餘乃去後數十年里人顧子培如蘇道逢古剎僧徒甚眾
謹迎曰吾師待君久矣邀入僧舍款洽備至詢其故曰三日前
諭眾云某日某時有客西方來吾鄉鄰也當善遇之問師何人
請一見曰項城人俗家王姓不會客三十餘年浼眾僧導引潛
窺焉皓首白眉跌坐蒲團瞑目合掌而已子培歸述其事王氏
之族有長年者細詢其狀知必二庚也共議釀金往省為會子
培有疾尋卒遂不果

見王氏
族譜

邑人韓壩過項歌序曰康熙甲申余授徒項東北時家村河陽附
岸大士閣下偶於望後閒步荒郊日已晡過歧路岔口逢一羽

士面鰲赤一目微眇左足跛頂束髮木冠鬚虬而蒼偃卧樓閣
上見余疾走陡起揖余曰君非孝廉韓公乎別來六十餘禩尚
爾蕭索如許耶盍少坐為君開蓬心余訝其出詞突如兼惡其
貌陋憐甚不應急欲離脫道士以杖遙指曰請轉余覺膝輒坐
地擊髮久之道人笑而大聲嗾曰何不去余曰勢不能奈何道
人長嘯曰嗟乎大丈夫當雄飛之秋倏而失志跬步艱難寥寥
宇宙誰為將伯之助皆此類也君可以悟矣余異其言有閒致
詞曰道者何來道人曰來處來余聞語若近謔亦以謔語詰之
曰何處去道人曰訪故人余曰故人為誰道人曰君即是也余
不覺心驚正神勉強言曰素昧生平故人之稱胡為乎來哉道
人曰君名利熏心自不認故人耳不早回首他日思逢故人何可
再得雖然前緣終未斷也霍彥夢幻如昨豈至於今而忘諸余

心益懼迴思霍彥一夢戚然感懷下氣請曰吾師乎且勿問故人果否亦松之遊業已盟心多年但俗情牽制倫常攸關鬱鬱未伸恐一旦不克脫然道人曰名利之於人甚矣哉吾固知君之不我從也勿憂坎壇二十年來太平珍重圖之遇不測向坤維連呼青城仍以夢境還君本來吾之所以惠故人者止此矣余曰唯唯謹受教細味所言似方外有得者竊窺其神貌類東方滑稽之流微以地理叩之道人曰地理何可易言謂無耶自古聖帝明王將相奇英皆發自古地載在往牒燦若列眉謂有耶世閒豪客奸雄希心佳鬱踏遍青野牛眠馬鬣之卜十失八九况漆燈待沈喬仙遺弓更屬一定非人力可假欲問風水須先問自心方寸信得過何地無祥福澤厚薄存乎自種何如耳堪輿一書古人留以勸善非為行險徼倖也吾有肘後殘言一

冊參天察地驅鬼役神過水撼山行師動衆卜厝分金陰謀秘訣備載其中念君有心姑以相贈君須自為探討倘未了然慎勿輕以質人其或作怪當投諸深淵俾守者收去藏諸名山傳之其人不可付秦火使寶物滅蹤內所著過項歌數段乃貧道一時婆心為愚夫指迷鼓其進步自有後驗宣揚於世君亦不為無功慎之勉之語畢向袖中取殘編付余荷杖而起飄然向西北方跛行如飛瞬息不見書約四十餘篇係手寫字體蝌蚪文十居八九余參辨莫解獨過項歌係八分隸體因演而書於簡功竣之夜案頭忽火起燒書焰焰不息余急挾出投港河中水為之沸時方昧爽未知浮沈何所越二日河流陡長數尺雖上流源發亦甚怪也因援筆以記其事

石槽東北十數里有地高約三四丈大數十畝疑為古莊阜道光

二十年十月間村民有見田鼠化鴛捉之忽入穴掘之內多甌石有花紋再進有門俯身入漸寬下有水深數寸寒氣逼人出述其異次日集衆往持火入過三四層門見迎面列門較多壁濡如漆頂淋如滴再入水更深不能前有膽壯者奮然往約二百步忽開朗地亦寬大有巨碣字大如斗似篆不能識旁有鉅缸鉅甌約二百件又有彝器似銅似鐵色斑駁密排燭臺香鼎數十事鑄古篆多不分明亦不能識舉之不動水中有石撈得之如胭脂色又得一碧玉鈎古幣式如周之泉刀嗜古者以為秦漢上物也有取其水洗眼甌石療病者皆有奇驗宣傳既久車馬輻輳冢旁田被踐踏禁之不可紳耆赴縣稟官封閉之自是無人迹矣

馬萬森城西南馬寨人與兄萬順萬松萬箱在城開成興錢店領

事山西人某姓暗將資本囊運己家遂逃歸不返票錢盡屬馬氏兄弟賠墊後數年萬森夜夢前領事某來曰今日清算矣醒而異之忽僱工來報曰馬生駒矣始悟所以清算之故後駒長連生騾十二約值錢近千餘緡諺云不撒不騙騾馬誰變信矣哉

城內有鄭姓者賣饅頭為業值勝克齋宮保駐節於項有營卒頽餉歸用巾包銀二百兩置鄭擔上買饅頭忽聞號令聲急歸伍將銀遺忘鄭亦乘機逃去營卒來尋不見大哭而去勝怒將營卒處斬後鄭置地五百餘畝病時自言營卒索命旋凶死二子皆早亡地亦鬻賣將盡二孀婦織聲醜行有人所不堪言者嗚呼此其所以為天道歟

高鳳閣院試入場詩文皆自道其逼淫節婦戕命事出場後自誦

其詩云莫怨皇天幼折孤專呈楊氏肯從不烈魂歸去繩三尺
血淚灑來痛一都守死恩離衰父母全貞孝斷老翁姑古今多
少完巾幘瞞蓋誰知在草廬友人大駭詰之始悟踉蹌歸去督
學使者行文到縣移查廣文某受銀二十兩稟高某忠誠或係
前生事亦未可知自是而楊氏之寃終沈海底矣未幾高死某
廣文亦卒天道森嚴甚可畏也光緒乙亥五月閒事

王抓鉤素不孝母嘗患病值除夕抓鉤歸自外母渴求飲抓鉤曰
水餃尚未包汝猶思水乎吾送汝在外掘地坳鋪麥秸過初一
日復負汝歸遂持鉤負母出母再三哀求言病無恙抓鉤竟負
母至村外掘阮委其母掩之歸自包水餃食甫入口噎而死至今
里人爭傳其事以為不孝者警

城南黃灣村有一逆子閻紅雲三歲失恃賴繼母撫養旋又失怙

及長母為定婚黃氏既娶夫婦並忤逆紅雲在外嫖賭黃不與母食動輒滋鬧母患之與分居年老多病紅雲夫婦並不問視母悼傷舉火自焚又赴水求死均以鄰救得免紅雲置若罔聞一日得暴疾晝夜呻吟呼號捷鬼惟投母懷中得片時安身起燎泡潰爛生蛆此光緒三年仲冬事也

槐店集竇某少聰慧父教之讀輒能通大義弱冠蜚聲費序母卒父續娶生一弟尤穎悟父鍾愛之竇與妻均甚不平始則怒以色既而怒以聲且以嗔父之故兼及其弟與母鄉人咸不直之光緒三年歲大饑父在本鎮開一小舖虧本金竇疑私與幼弟詬父偏心父難自明對天自誓竇猶厲聲爭父曰汝謂我偏敢自誓乎竇方逡巡妻曰誓耳天如有知且將及父無知何懼竇乃跪地歷數父偏繼以誓詞將起四肢忽輒頓縮如小兒狀父

代祈禱卒亦無效七日而卒嗚呼天下之不孝者衆矣不孝之過於竇者亦衆矣而獨懲竇何歟蓋竇庠序中人也庠序中人尚如此其他更無忌憚矣愛憐少子人之常情即其父果偏而歷數父非繼之以誓其傷父心也大矣其不孝之罪自供亦彰彰矣天之懲之也宜哉

邑人張錦芳書竇某事

楊碩卿有舊佃欠錢十三千以貧故未償病垂危楊探之佃曰欠債今生不能了俟來生變畜以償楊以好言相慰未幾佃卒後數年楊夢佃來清算賬目及寤牛生一犢估價值十六千不售犢旋病賣之適符欠錢之數

項城縣志卷三十二

序錄

初修項城縣志序

萬曆十八年
徐志原序

教諭王

都汝甯

竊惟天道垂以象地道效以法人道紀以籍以斯知志之作其本於此乎項城縣志凡十篇自沿革以至人物為前篇而文章獨為後篇此乃前諭蜀富順郭先生之所編次也歷春秋戰國以迄明朝將二千襍中間以備觀覽以昭勸懲悉蒐輯古典採拾時事旨哉頓項文獻乎顧時久簡編多舛錯觀者厭之值萬曆戊子春邑侯徐公以大城宰為項令一日進不佞都輩泊邑庠生張正法等而謂之曰志為外史備典籍今項即有志祇草創耳修飾潤色弗工無為貴志矣遂慨然百方搜索攷之往籍訪之草莽質之父老仍令不佞輩商確而訂正之凡所以闡造化之精蘊洩人物之英

華酌量已見筆削成冊始而志輿地圖以下諸條目自堂輿逮及疆境犁然明悉則政教可施志田賦以下諸條目是羸縮緩急之宜因革倡導之本皆取決於上之稽古而定制志官師以下諸條目是爵秩之尊卑顯晦殊途總之咸裨乎理道默寓感化之機於其間至若賡歌太平不無假於文人墨士之口而駢四儷六揄揚地方之休光大都繁冗不與故志以文章終焉是志也紀撰精祖禹貢矣褒貶嚴傲春秋矣觀是志者見善知勸鑒惡知懲則於世道人心未必無小補云若曰前人業已草創而予為修飾潤色之則吾豈敢

再修項城縣志序

萬曆二十七年王志原序

教諭馬一乾

歷城

項禹貢豫州之域在周為項子漢始置縣枕宛丘距淮蔡襟潁水帶澗川雖蕞爾百里哉風樸民愿視他邑為易治顧舊域在今境

之東北六十里宣德間以河漲衝圮播遷今治文獻散佚以故舊志雖存而舛謬漏畧浮詭委頓不足取信將來為考古者之一鏡萬厯甲午西昌王先生蒞項展采宣猷適興百廢則已化理匝洽黔毗又安矣取舊志旋觀之喟然曰志古國史流也以項如彼而志若此失今不圖久益湮泯隳前猷而迷後鑑將焉用之迺於簿書之暇披閱故牘博採前聞訂其訛謬裁其繁蕪賁其所未飾增其所未備義例遵明代之制體格集諸家之成是故首之輿圖重經野也而建置田賦所以弘保釐之猷示則壤之制則次之祀典官職表懷甯柔和之自也而選舉紀事所以彰才俊於國家垂興革於來禩則又次之至於志典籍則著作罔湮志人物則高行標世志藝文則揆藻摘華者又可以輝映無窮矣志成出以示余余敬受伏閱作而歎曰甚矣先生之大有裨於項也今之為治者類

多建明即有蠲滌迺心佐公家之急亦不過覈簿書勤期會上不失國家之賦下不失撫衆之宜斯已不失為循良矣其誰如意於邑乘也者即或加意邑乘又不過分任而總其成誰能以待治之身屈首文字總總然敝歲月而甘竹石之間也者迺先生校勘纂輯悉其手出詳而有體質而不佞藉非心誠體國而才諳有餘何克辦此昔明道在鄴晦翁在南康他務未遑先重志事蓋賢者之用心急諸其大志也者在一時足備觀風問俗者之省覽在來禩足為酌古致治者之一資也此先生之用心所為方軌程朱也所裨於項豈其淺哉余淺陋無似偶覩其成蓋不勝嚮往先生焉故為之僭序若此

三修項城縣志序

順治十五年

知縣 李芳春 三韓

今之郡縣即古封建地封建有史郡縣有志所以彰信來茲著為

勸戒由來舊矣秣陵為豫南巖邑雖無高山峻嶺巨浸大川而風土廣衍人文秀出歷周秦漢唐而下懿業休名見之書傳者未易悉數終予不佞以駑鈍之質謬奉憲檄攝項吏覽其山川土物氣厚而瀉楮紳士大夫猶有先正遺軌始信周之盛時分茅土於此以封同姓比於諸侯列於會盟不偶然也中州當闢賊虐燄圖籍無存大司馬中丞賈念事之有關於政教風化者恐其有美弗傳傳而弗久也檄下各屬纂修之役予不佞深懼奉行無狀不足仰副憲指爰質趙二韓束心一諸先生及邑文學如黃子士顯束子紳輩採輯遺文互為考訂刪繁就簡編次成帙越兩月而告竣予讀之因念邑之有志與古職方相表裏軍賓錢穀祀神養老表善通貨之類諸務靡不備以口碑作記載徵信為難况數年兵火戶口之逃亡田畝之荒廢兼以災祲水旱重困吾民春秋紀災不紀

瑞斯志烏得而無作也後之君子載讀斯編觀今日之項大非昔日之舊則彌縫闕畧黼黻太平甯能謙讓未遑也哉予不佞代人庖俎徒切覆餗之懼惟願搗恭儉友藉光鄰壁云爾爾為序

讀項志序

順治十六年

知縣黃 陸 謙 陵

郡邑之有志猶史也其文貴直而信微而著詳而有體叢冗禿屑無取也凡懋古學者悉能紀之使後之人因以考其得失悉其譜政之書乎夫天下之政係於一人與一邑之政係於一人無以異是以國有善政噓之為風被之成俗蒸為山川雲物之秀發為人文道德之光不其休歟項之志舊矣大司馬中丞賈公愛國庇民百政肇舉檄中州郡邑纂修新編使無闕遺豈非一代鉅典俾吏茲土者藉以觀覽省察以勵厥治者乎余承乏茲邑適與項志之成相值披卷讀之見其論著遠不流荒近不失鄙紀事必覈而論

次不阿有古信史風雖語無褒刺而嚴正之義往往言外寓之至風土藝文之例大必稽而細不遺真所謂直而信微而著詳而有體者耶顧余才非通方治愧循良其於興革利弊未能洞悉兢兢以曠官為懼得此志而覽之昔之項瞭吾目也今之項瞭吾目也即今之項逮於昔不逮於昔可進於昔不可進於昔亦瞭吾目也項之農今知耕矣謂野無曠土之慮乎謝不能項之士今知學矣謂市無城闕之譏乎謝未免里閭猶是謂鴻雁無悲戶口猶是謂莠楚無聞乎謝弗信惟欲薦紳先生暨都人士匡余不逮以期政舉民安家絃誦而戶比封壺之為風被之成俗蒸為山川雲物之秀發為人文道德之光今之項視昔之項少有進焉是則余之志也夫是則余之志也夫

四修項城縣志序

康熙二十九年

知縣 顧芳宗 上虞

邑之有志也其得失之林乎要必辨而不華質而不俚其文直其事核不虛美不諱惡然後可以備觀覽於一時昭勸懲於後世嘗考古王者命輶軒之使採四方之風詩以參考政治夫亦以一方之得失天下盛衰繫焉故後人讀十五國之風而貞淫正變猶恍然在目也然則邑之有志其所關者大矣方今

聖天子受命

於穆清澤流罔極項雖蕞壤乎沐浴教養之深風俗人心大非昔日之比乃舊志修於順治戊戌歲迄今三十餘年其開地土之開墾者幾何戶口之增益者幾何且英賢輩出文獻接踵與夫天道之所以昭垂人事之所以移易以及政事之孰優而孰劣也制度之何廢而何舉也凡此皆邑中大事不可不為之考覈精詳用示風勵會大中丞閣公於百務修舉之餘念郡邑之志為國史支流未可任其湮沒不彰然荒鄙失倫非所以傳信也殘缺多誤非

所以垂後也檄下纂修之第思厥典甚鉅愧無作史之才與識修之其有當乎爰謀之於薦紳王耿言韓壻閻銑閻潮諸先生暨邑文學張子同德張子端輩相與上下千百年間博採舊聞廣集時事要亦求其所謂辨而不華質而不俚其文直其事核不虛美不諱惡已矣既成披覽隱然見山川風物之美城郭人民之壯且盛如置身禮樂之堂與文人詞士溯曩哲而則先型凡夫農桑學校吏治民情無不巨細畢收本末兼該可不謂一邑之鉅觀也耶矧夫古之作史者裁制亦不一矣而要其指歸則在於扶翼綱常警世勵俗是編之成亦使項之考古者見善知勸見惡知懲未必不為風俗人心之攸繫而豈第備觀覽於一時云乎哉倘一日者聖天子勅郡國奏版籍以考吏治之得失則是編又可進之於大廷矣然則惟大中丞閻公念切典要加意採詢故風塵勞吏亦

得以裒輯缺畧為觀風問俗之一助云是為序

知縣韓儀襄平

五修項城縣志序

乾隆十年

竊聞昔者明道在鄆他務未遑首理志事而晦翁之在南康也亦如是焉噫兩先生之用心如出一轍者良以志之為書也善惡臧否之不遺則勸懲備而人心以正利弊得失之必詳則法戒昭而教化以端志之所關者若是其大也詎非守土者之所宜惠哉余以雍邱末吏當 聖天子在上教化日興治益求治之時謬荷憲檄來攝項篆甯不欲自勵勵人同為 盛世之良耶第治化貴合乎人情政教必宜乎土俗余當蒞事之初凡項之人情土俗未嘗不採訪於因公來往之餘考察於專意巡歷之際而究未深悉也則雖欲治之其曷從而治之乃躊躇至再而豁然悟曰有志在盡取而觀諸於是遂加披覽全項東西南朔之情形上下千古之

事蹟其有關政治者靡不班班可考也因不禁欣然喜曰所以治項者其在斯乎其在斯乎獨是是志也自康熙庚午歲修纂迄今五十餘載矣其間疆域之改隸者未志也土田之墾闢者未志也戶口之日繁民風之日變者未志也至於循良接踵不乏可傳之政英賢輩出豈無足紀之人久未增修類多遺闕然則舊志之所紀者特庚午以前之項而非今日之項也苟執是以求治保無有未盡合宜者在耶迺會大方伯趙念邑之有志猶國之有史未可任其殘缺以致因循久而文獻無徵也是以檄飭重修務俾後之人稽考有據可以踵事而增華焉余適承憲命樂其事爰延集搢紳共謀修輯之人僉云此鉅典也克勝斯任者則莫如芝庭張先生矣衆議相符余遂肫然託之而張先生亦慨然任之至參閱考訂以勦其成者則文學高必特石凝祚高應旂閻聖言高攀龍師

輝祖馬金鏞張延爵高世振諸君子也既成讀之覺庚午以來數十年之因革損益政績文章風土人物莫不宛然在目而無復殘缺之憾矣今而後思所以治項者可即此而求也余雖不敏願藉此以勵厥治焉噫後之繙閱斯編者見善知勸見惡知懲得者法之失者戒之致蕞爾之項人心正而教化端儼然成三代之治者是皆大方伯趙之所裨也若余則適逢憲檄幸觀厥成耳以云方軌乎程朱也則吾豈敢

五修項城縣志序

乾隆十一年

知縣張為旦 全州

嘗聞邑志與國史同功季方子云古今難制之變難斷之疑皆得參驗稽決於史又云當看人物如何治體如何潘陽節云信賞必罰明禮義謹學術以身先之便知趨向之方上下相師而人才出皆於史樹其鵠焉然則邑志之所關豈外是哉乙丑夏四月余奉

天子命來撫項邑下車聿始披閱邑志揭其卷帙成於前暑
令業報各憲然其間猶有缺而未備者頃奉府憲刊刻郡志飛檄
飭行續修爰謀之薦紳暨諸生若而人細加攷覈增修申送余已
捐薄俸聽候府憲合刊但既刊府志以為總匯即當刊邑志以示
風勵因不揣固陋與諸君子更為博採廣集分為十卷壽諸棗梨
庶幾閱斯志者無難制之變無難決之疑而人物治體與夫教養
之法無不可兢兢焉參驗稽決而得之書云慎厥身修思永詩云
上帝臨汝無貳爾心無貳無虞上帝臨汝此之謂也故曰邑志與
國史同功豈僅備一邑之巨觀云爾哉爰畧敘數言弁付簡首是
為序

五修項城縣志序

乾隆十一年


邑令張 衷 相山

竊觀世之學者好以淵博見長以言務本闕有間焉豈知辭不在

文要取諸實事不期多務垂諸久凡賢哲之炫耳目而驚奇者止此日用倫理之常學之所貴以大而非夸也彼夫十室之邑必有忠信矧項之在周封為子國棧樸菁莪類多蒸士迨歷楚歷秦而後漢改為項縣田疇於以開闢戶口於以蕃昌美業嘉名不難按籍而得而其間或經水漲漂零或遭逆賊混亂幾全文獻無存致後人之參議故前輩諸先生質之父老尋之簡篇著為文也非不典而稽發為詞也非不簡而該故其風近古其語近樸躬逢我朝培植庶類作育人才英俊道德之輝山川秀靈之氣於斯益盛舉凡文章學術豐功偉略以及忠孝節義歷歷昭人耳目間他如柳鎮春翠瑞蓮獻彩載之景詠者難以枚舉要皆贊造物之奇而表邦治之德教於無方者也後之不修豈前者之失耶嗣於乾隆九年八月間奉檄纂修舊志而茲邑之紳士無不欣然樂從羣相

蒐羅贊揚

盛世鼓吹休明不特備後人之採擇有徵並昭先代之醞風可慕項志誠不沒於周之盛也夫予攝篆斯邑適志告成而按閱之源流之共貫也本末之悉該也且文而不離乎實多而可厯乎久雖篇冊之中稍存獎勵而尋繹之下寓有箴規以之修己則順而祥以之治人亦無所處而不當君子謂修史所以萃渙則此志亦所以萃其渙也所謂辭不在文要取諸實事不期多務垂諸久者茲編其得焉矣是為序



勘

卷

卷首目錄

卷一

卷三

卷四

卷五

數

頁

三

三十

五

四十三

四

七

十二

四十七

五十三

五十四

數

行

十五

前幅

十七

四

五

十

四

二十

十四

十一

數

字

異間下

圖內

二格小注

六與八

五格小注

五格小注

五格小注

末二字上

芥下注

今復下注

數

誤

附補遺

大王莊

分州

傑直

曲清

濟陽

楊州

脫一字

辨脫一字

蒙蒙蒙

正

義文

大士莊

汾州

祭置

曲靖

濟南

楊州

此

辨生

蒙蒙蒙

表

卷六

五十五

十一

菊下注

邑

色

五十九

二十

十一

行

杭

十四

十三

二

沂

沂

二十

二十三

二十四

棄

氣

二十一

七十二

末二字

北望

卑窪

二十三

一

邑人以下

連上

當另行

三十

二

二十一

填

壩

三十八

二十

年下

脫一字

開

五十四

八

二十二

由

破

五十九

二十

十

淮

准

六十二

八

熙下

脫二字

二十

六十四

二十三

小注

年上

開脫一字

四

卷九
卷十

卷十一

六十五	六十九	七十三	八十二	十六	十一	三十七	四十四	四十三	十	十六	二十三
八	二十四	十八	十九	八	十三	二	二十二	二	一	六	十七
三	十一	五	二十一	十五	二十一	十二	十八	十二	一	八	二十一
北	次	支	賦	二	百	二	公	及	有	於	筆
年											

係上小
注末字
歎軒
丈
賦
元
千
五
功
幾
羨
文
于
華

卷十二

卷十三

卷十四

二十六

五

三

二十二

三

十二

十三

十六

十七

二十一

三十

三十九

五

八

十八

八

二十一

一

三

五

十一

二

十四

二十四

六

二十五

尚下

五

慎下

三

十六

二十

四

五

十九

一

瑣

芸

脱一字

派

脱一字

縈

荼

可

擴

生

師

帑

瑣

芸

德

脈

夏

焚

荼

恐

廓

至

帥

帑

卷十五

卷十六

四十一

六

三

巨

巨

十二

二十四

水

脫一字

也

十七

十八

二十二

載

在

四十四

十九

五

翼

奔

四十七

五

九

犯

祀

五十二

六

二十五

豫

裕

五十四

四

二十四

隨

遂

五十七

十一

十七

毬

球

十一

十八

二十八

它

鮑

十九

九

十

幻

幻

二十

十一

十三

弃

弃

卷十七

三十三

六

十七

闕

闕

五

十六

一

德

得

卷十八

八

四

十六

嚴

鼓

卷十九

九

二十四

十及十二

推解

解推

五

十三

十

應

膺

十二

二十一

十

末

末

十三

十七

七

埃

埃

三十四

九

二十一

誣

侮

三十五

二十一

十四

盤

磐

三十七

二十一

五

鳴

鳴

二十一

九

二十五

稍

稍

卷二十一

二十一

二十二

二

畫

畫

卷二十三
卷二十二

二十三
二十四
二十五
二十六
三十二
三十五
三十六
一
九
二十二
四十一
四十一

二十一
三
七
十三
八
二十
十七
五
七
四
十七
四

十三
九
十三
十二
六
十一
十二
十二
十二
十三
二十三

哀 仗 冷 當 樓 樗 烈 形 依 利 分 川 於 工

哀 吏 冷 堂 樓 樗 列 刑 倚 吏 八 州 與 二

卷二十四

十二

二十

一及四

志予

妄與

二十四

九

十

道

導

三十

四

二十一

理

里

十七

七

二十三
四

金榜

式金

三

十一
三

七
二十

惟

之性

二

十二
小注

六

祖

姐

三十

九

十五

故

姑

六

二十二

十二

間

間

二十

八

二十二

居

舉

六

十九

十二

治

治

六

二十三

十二

便

使

卷三十二

卷三十一

卷三十

卷二十九

卷二十七

卷二十六

卷二十五

跋

右項城縣志吾兄馨庵屬友人楊君仲

唐總共成王北初閻浩源于黼宸張具石

諸君襄其役仲唐復以邑人許多未便

迺招共門下士睢州施君寔琴俾分其任

者也書成為卷三十有二余受而讀之但

見其搜羅繁富條例精密無遺議矣適
有客至取視之輒然曰壇廟碑銘城隍紀
述典凡利弊論葬之關於邑境者附入地理河
渠田賦祠廟志以班史取延年賈讓志
疏入溝洫志賈誼晁錯志疏入食貨志之例
當矣至於名臣奏疏學士論葬尤其當全

錄入本傳如班史錄天人三策於董仲
舒傳錄治安諸疏於賈誼傳墓誌傳
狀核實者靈當即取為傳文以班史仍
更親自序而為司馬遷傳仍揚雄自序
而為揚雄列傳此亦史家定法也今悉取
其文載入琴藻以耶余應之曰此國仲康

諸君有所未暇者耳豈并此等失例而不
知哉客又曰彛藻志中若素端敏文誠
三奏疏張菱湖王丹君三論著女尤其
固已採錄者遺不惠其湮沒者傳至非他
人著述或剽而不載挂一漏百寧非譏乎曰
搜羅未備誠亦有之仲唐續有項城文

徵詩徵之選余方促其成書謀付梓以廣
流傳仲唐之用心可謂厚矣子毋庸譏其
未備為也噫今日之大可慮其不在世道而

在人心邪說橫行甚於洪水猛獸吾兄與
仲唐洪君子以挽回人心為急務款借此
一志存先正之遺規導後生之前路幸不

在區々文字尚也審言言而區余有感焉
因綴數語於後

邑人張錦芳謹跋